

元和郡縣圖志

附關卷逸  
文攷證

三







元和郡縣圖志

附闕卷逸文攷證

(三)

李吉甫撰  
孫星衍校  
張駒賢攷證

# 元和郡縣圖志卷第六

## 河南道二

陝虢觀察使

陝州

虢州

汝州

陝州

陝郡都督府

開元戶四萬七千三百二十二  
元和戶八千七百二十

鄉五十六  
鄉十六

今爲陝虢觀察使理所

管州三

陝州

虢州

汝州

縣二十一 都管戶一萬一千九百四十七

墾田

禹貢豫州之域。周爲二伯分陝之地。公羊傳曰。自陝以東。周公主之。自陝以西。召公主之。又爲古之虢國。今平陸縣地是也。戰國時爲魏地。後屬韓。秦并天下。屬三川郡。漢爲宏農郡之陝縣。自漢至宋不改。後魏孝文太和十一年。置陝州。以顯祖獻文皇帝諱宏。改爲恆農郡。十八年。罷陝州。孝武永熙中。重置。西魏文帝大統三年。又罷州。周明帝復置。屯兵於此。以備齊。隋大業三年。復置。以其地屬河南郡。義甯元年。改置宏農郡。武德元年。改爲陝州。廣德元年。改爲大都督府。謹按。陝城蒲牢。與彭城滑臺。壽陽縣瓠。屢經攻守。

皆中夏之要云。

州境東四二百五十二里，南北隔河二百四十六里。

八到西至上都五百十里，東至東都三百五十里。

西南至絳州一百三十三里，北至絳州一百里。

四至潼關二百里，西北至河中府二百四十五里。

貢賦開元賞柏子仁瓜蓼布純

管縣八 陝縣 硤石 靈寶 夏縣 安邑 平陸 芮城 垣縣

陝縣郭下本漢縣也。歷代不改。後魏改為陝中縣。西魏去中字。周明帝於陝城內置嶠郡。以陝、嶠二縣屬焉。

開皇初罷郡。以縣屬陝州。

陝原在縣西南二十五里。

虢山在縣西二里。臨黃河。

黃河自靈寶界流入。後漢獻帝東歸至陝。議者欲令天子浮河東下。太尉楊彪曰：從此以東有三十六灘。

非萬乘所當從也。乃止。

曹陽墟俗名七里澗。在縣西南七里。獻帝東遷。李傕、郭汜追戰於宏農東澗。天子遂露次於曹陽之墟。謂

此地也。

州理城卽古虢國城。西征記曰：陝縣周召分職處。南倚山原。北臨黃河。懸水百餘仞。臨之者皆爲悚慄。故焦城在縣東北百步。

太原倉在縣西南四里。隋開皇二年置。以其北臨焦水。西俯大河。地勢高平。故謂之太原。今倉實中周迴六里。

太陽故關在縣西北四里。後周大象元年置。卽茅津也。春秋時秦伯代晉。自茅津濟。封嶠尸而還。

徽伯故壘在縣南二里。高歡使李徽伯戍陝。周太祖攻之。徽伯築壘於此。拒太祖。

北利人渠。開皇六年。文帝遣邳國公蘇威引囊水西北入城。百姓賴其利。故以爲名。

南利人渠。東南自硤石界流入。與北渠同時疏導。

太陽橋長七十六丈。廣二丈。架黃河爲之。在縣東北三里。貞觀十一年。太宗東巡。遣武侯將軍丘行恭營造。

硤石縣。魏州五十里。本漢陝縣地。屬宏農郡。自漢至宋不改。後魏孝文分陝縣東界置嶠縣。明帝二年。分陝

嶠二縣置嶠郡。隋文罷郡。以嶠縣屬陝州。大業二年。廢入陝縣。義甯元年。重置理硤石塢。貞觀中。改名硤石縣。

底柱山俗名三門山。在縣東北五十里。黃河中。禹貢曰。導河積石。至於龍門。又東。至於底柱。河水分流。包山。山見水中。若柱然也。又以禹治洪水。山陵當水者。破之以通河。三穿既決。河出其間。有似於門。故亦謂之三門。漢成帝鴻嘉四年。楊焉上言。底柱之險。可鑄廣之。上乃令鑄之。才沒水中。不能復去。而令湍流沸怒。爲害彌甚。隋開皇三年。遣倉部侍郎韋瓚。自蒲。陝以東。募人能於洛陽運米四十石。經底柱之險。達於常平者。免其征戍。貞觀十二年。太宗東巡。臨幸於此。令魏徵勒銘。

莘野在縣西十五里。春秋時。有神降於此。

黃河西自陝縣界流入。東經砥柱。水經注曰。後魏景明中。帝遣諫議大夫寇慈帥工五千人。歲時脩治。以平河阻。

魏長城在縣北二十二里。魏惠王十九年所築。東南起崱山。西北至河。三十七里。

靈寶縣。望東北至州七十五里。本漢宏農縣。自漢至後魏不改。隋開皇十六年。於今縣置桃林縣。屬陝州。天寶元年。

於縣南古函谷關。尹真人宅。掘得天寶靈符。遂改縣爲靈寶。

稠桑澤在縣西十里。虢公敗戎於桑田。卽是也。

函谷故城在縣南十里。秦函谷關城。漢宏農縣也。西征記曰。函谷關城。路在谷中。深險如函。故以爲名。其中劣通。東西十五里。絕岸壁立。崖上柏林。蔭谷中。殆不見日。關去長安四百里。日入則閉。雞鳴則開。秦法。

也。東自嶠山。西至潼津。通名函谷。號曰天險。所謂秦得百二也。隗囂將王元說囂曰。請以一丸泥東封函谷關。卽此也。

桃林塞。自縣以西至潼關皆是也。春秋時。晉侯使詹嘉處瑕。守桃林之塞。三秦記曰。桃林塞在長安東四百里。若有軍馬經過。好行則牧華山。休息林下。惡行則決河漫延。人馬不得過矣。

洹津。在縣西北三里。義甯元年。置關。貞觀元年。廢關。置津。

曹陽亭。在縣東南十四里。陳涉使周文西入秦。秦使章邯擊破之。殺文於曹陽。卽此地也。後曹公改爲好陽。

夏縣。望。西南至州一百二十里。本漢安邑縣地。屬河東郡。後魏孝文太和十一年。別置安邑縣。十八年。改爲夏縣。因

夏禹所都爲名。大業二年。屬河東郡。武德元年。又屬虞州。今陝州安邑縣是也。貞觀十七年。隸絳州。大足元年。割屬

陝州。尋屬絳州。乾元三年。屬陝州。

涑川。在縣北四十里。左傳。晉侯使呂相絕秦曰。伐我涑川。按川東西三十里。南北七里。

安邑故城。在縣西北十五里。夏禹所都也。

安邑縣。望。南至州一百一十里。本夏舊都。漢以爲縣。屬河東郡。開皇十六年。屬虞州。貞觀十七年。屬蒲州。乾元三年。

割屬陝州。



雷首山一名中條山。在縣南二十里。其山有銀谷。在縣西南三十五里。隋及武德初並置銀冶監。今廢。高塚原在縣北三十里。原南坂口。卽古鳴條陌也。湯與桀戰於此。

鹽池在縣南五里。卽左傳郇瑕氏之地。沃饒近鹽是也。今按池東西四十里。南北七里。西入解縣界。

平陸縣。望。西南至州一百七十里。本漢大陽縣地。屬河東郡。後魏於此置河北郡。領河北縣。開皇十五年。河北縣改

屬蒲州。貞觀元年。又屬陝州。天寶元年。改爲平陸縣。

黃河在縣南二百步。

吳山卽吳坂也。伯樂遇騏驎。駕鹽車之地。其坂自上及下。七山相重。

傅巖在縣口七里。卽傳說版築之處。

閒原在縣西六十五里。卽虞芮爭田讓爲閒田之所。

顛幹坂。今謂之幹轎。在縣東北四十五里。左傳曰。冀爲不道。入自顛幹。是也。

瑟瑟窟在縣西北四十里。

故虞城在縣東北五十里。虞山之上。晉侯使荀息假道於虞。以伐虢。卽此城也。

下陽故城在縣東北二十里。

芮城縣。望。東至本漢河北縣地。屬河東郡。自漢至後魏因之。周明帝二年。改名芮城。屬河北郡。其年。又

於此置虞州。武帝建德二年，於縣置芮州。貞觀元年，廢芮州，以縣屬陝州。黃河在縣南二十里。

故魏城，春秋晉滅之，賜畢萬是也。在縣北五里。

故芮城在縣西二十里，古芮伯國也。

垣縣，上北至本漢縣，屬河東郡。後魏獻文帝皇興四年，置邵州及白水縣。周明帝武成元年，改白水爲

毫城縣。大業三年，改毫城爲垣縣，屬絳郡。武德元年，屬邵州。九年，屬絳州。貞元三年，割屬陝州。縣枕黃河。

垣城在縣西二十里。

皋落城在縣西北六十里。左傳曰：晉侯使太子申生伐東山皋落氏，是也。

虢州，宏農開元戶一萬七千七百四十二，鄉五十。元和戶五千二百三十六，鄉三十六。

禹貢雍及豫二州之境。周初爲虢國。虢有三北，虢今陝州平陸縣。東虢今滎陽縣。西虢在今鳳翔扶風縣也。魯僖公二年，晉荀息假道於虞以伐虢，虢亡，乃爲晉地。其後三卿分晉，屬韓、秦、兼天下，屬三川郡。至漢武帝元鼎四年，置宏農郡。後魏以獻文帝諱宏，改爲恆農郡。孝武帝永熙三年，分爲西恆農，屬陝州。周明帝復爲宏農。開皇三年，廢郡，以縣屬陝州。大業二年，又改屬豫州。三年，又於宏農縣置宏農郡。義甯元年，改爲鳳林郡。其年，於盧氏縣置虢郡。武德元年，改爲虢州。其年，改鳳林郡爲鼎州。因鼎湖以爲名。貞觀八

年廢遂移虢州於今理所

州境東北

八到西北至上都四百三十里

東至東都四百五十三里

西南至商州三百七十里

貢賦開元貢天門冬地骨白皮麝香

管縣六 宏農 盧氏 閿鄉 玉城 朱陽 湖城

宏農縣郭望下本漢舊縣大業二年省三年復於今湖城縣西南一里置尋移就郡理其年移郡於鴻臚川

縣亦隨徙即今縣是也義甯元年屬鳳林郡武德元年屬鼎州貞觀八年屬虢州

方伯堆在縣東南五里宋奮武將軍魯方平所築

鴻臚水過縣北十五里入靈寶界溉田四百餘頃

盧氏縣上西北至州本漢舊縣春秋時西虢之邑地有盧氏山或言盧敖得道於此山宜五穀可以避

水災開皇三年改為虢州大業三年廢以盧氏屬河南郡武德元年又置虢州縣依舊

熊耳山在縣南五十里禹貢導洛於此

閿鄉縣望州一百里東南至本漢湖縣地屬京兆尹自漢至宋不改周明帝二年置閿鄉郡按閿鄉本湖縣鄉名閿古文聞字也說文從門旻聲開皇三年廢閿鄉郡十六年移湖城縣於今所改名閿鄉縣屬陝州貞觀八年改屬虢州

秦山一名秦嶺在縣南五十里南入商州西南入華州山高二千丈周迴三百餘里

黃巷坂在縣西北三十五里卽潼關路也水經注曰河水自潼關東北流側有長坂謂之黃巷坂歷北出東嶠通謂之函谷關岸高道狹車不得方軌魏武征韓遂馬超連兵此地又潘岳西征賦曰溯黃巷以濟潼亦謂此也

桃源在縣東北十里古之桃林周武王放牛之地也

黃河在縣北三里

全鳩水一名全節水漢戾太子亡匿之處

思子宮故城在縣東北二十五里漢武帝爲戾太子所築也

曹公故壘在縣西二十五里魏武征韓遂馬超此地置壘又宋武之入長安檀道濟王鎮惡濱河帶險小七營皆此處

赫連氏京觀俗號平吳臺在縣西二十二里赫連勃勃使太原公昌攻劉裕將朱齡石於潼關克之築臺

以表武功。

玉城縣。上。西北至州六十里。本漢盧氏縣地。屬宏農郡。後魏正始二年。分立石城縣。廢帝改爲玉城縣。周武天和

元年。廢義甯元年。重置。貞觀八年。移於今理。

朱陽縣。上。東北至州七十里。本漢盧氏縣。屬宏農郡。後魏太和十四年。蠻人樊磨背梁歸魏。立朱陽郡。並朱陽縣。

令樊磨爲太守。大統三年。分朱陽郡屬東義州。周武定保二年。又省郡。宣帝大象元年。割盧氏西界以益

朱陽縣。開皇四年。北屬陝州。大業三年。改屬虢州。

湖城縣。望。東南至州五十二里。本漢湖縣。屬京兆尹。卽黃帝鑄鼎之處。後漢改屬宏農郡。至宋加城字。爲湖城縣。

荆山在縣南。卽黃帝鑄鼎之處。

夸父山在縣東南三十五里。

湖縣故城在縣西南二里。

汝州。臨汝。開元戶二萬六千五百二十九。鄉六十。元和中戶一萬三千七百七十九。鄉三十七。

禹貢豫州之域。春秋時。周王畿及鄭楚之地。後屬於晉。六國時。復爲韓魏之地。秦屬三川郡。在漢爲河南郡之梁縣地也。開皇四年。自陸渾縣界移伊州理於此。大業二年。改爲汝州。三年。改爲襄城郡。隋亂陷賊。武德四年。討平王世充。復爲伊州。貞觀八年。改爲汝州。

州境

東二百三十二里，北二百五十二里，西二百九十里，南二百八十里。

八到

西北至東都一百七十里，西南至蔡州四百五十里，東南至鄧州四百七十五里，東至許州二百三十里。

貢賦 開元貢 細純 賦 純 縣

管縣七

梁縣 臨汝 魯山 葉縣 襄城 郟縣 龍興

梁縣

郭下漢舊縣古蠻子邑戰國時謂之南梁以別大梁少梁即左傳云楚為一昔之期而襲梁及霍也

蠻中聚

即戎蠻子國也在今郡西南俗謂之麻城又有陽人聚故城在今縣西秦滅東周徙其君於陽人

聚

即此城也漢末孫堅大破董卓軍於此高齊於此置汝北郡以備周寇故城在今縣南亦名王塢城隋

煬帝改梁縣為承休縣屬汝州貞觀元年又改為梁縣

汝水經縣南三里

廣成澤

在縣西四十里後漢安帝永初元年以廣成游獵地假與貧人元初二年鄧太后臨朝鄧騭兄弟

輔政以為文德可興武功宜廢請寢蒐狩之禮於時馬融以文武之道並用作廣成贊以諷案此澤周迴

百里煬帝大業元年置馬牧於此

周承休城在縣東北二十六里。漢封周後於此。

黃坡在縣東二十五里。南北七里。東西十里。隋朝修築。有溉灌之利。隋末廢壞。乾封初。有詔增修。百姓賴其利焉。

臨汝縣。上。東南至州六十里。本漢梁縣地。先天二年置。貞元七年。刺史陸長源奏請割梁縣西界二鄉以益之。乃

自下縣昇爲上縣。

魯山縣。上。北至州一百五十里。本漢魯陽縣。古魯縣也。屬南陽郡。魯陽公與韓戰。酣。揮戈日爲退三舍。謂此地也。後

魏太和十一年。孝文南巡。置魯陽鎮。十八年。改鎮爲荊州。二十二年。罷荊州。置魯陽郡。改魯陽縣爲北山

縣。周改爲魯山縣。武德四年。又於縣置魯州。貞觀元年。州廢。以魯山屬伊州。八年。改伊州爲汝州。縣仍屬

焉。

魯山在縣東北十里。

魚齒山在縣東六十里。春秋。楚師伐鄭。涉於魚齒之下。山有澧水。故言涉也。

汝水出縣西一百五十里。

天息山一名伏牛山。

澧水出縣西大陌山。後漢世祖破王尋於昆陽。士卒赴水死者甚衆。澧水爲之不流。卽此水也。

温湯水在縣西四十里。狀如沸湯。可以熟米。側有石銘曰。皇女湯。可已萬病。

魯陽關水俗。謂之三鷄水。經縣西七里。其關三鷄鎮在縣西南十九里。後周置以禦高齊。亦名平高城。

魯城在縣東北十七里。高齊置以禦周。

葉縣。縣二百一十里。西北至州。本漢之葉縣。春秋。楚人遷許於此。其後楚使沈諸梁尹之。僭號稱公。謂之葉公。秦置

郡縣。隸於南陽。後漢書謂之小長安。言地沃人豐也。開元三年。於縣置仙州。以漢時王喬於此得仙也。二

十六年。廢仙州。屬許州。其年。又割屬汝州。

方城山在縣西南十八里。楚屈原曰。楚國方城以爲城。是也。

黃城山一名苦菜山。在縣西二十五里。卽長沮。桀溺耦耕處。

汝水西北流入。去縣二十五里。

昆陽故城在縣北二十五里。後漢世祖破王邑。王尋之處。

燒車水在縣南二十四里。世祖破王尋。燒其輜重於此水濱。因以爲名。

襄城縣。望西北至州。一百四十里。本秦舊縣。漢因之。屬潁川郡。春秋。襄王避叔帶之難。出居鄭地汜。在今縣南一里。

古汜城是。蓋以周襄王嘗出居此。故名襄城。晉及後魏屬襄城郡。開皇三年。改郡爲汝州。以縣屬焉。大業

三年。廢汝州。以縣屬許州。開元四年。置仙州。割襄城縣屬焉。二十六年。廢仙州。復隸許州。天寶七年。又屬



汝州

汝水經縣南去縣一里。縣理廢汝州城。卽古襄城。楚靈所築。後漢馮異據之。降世祖。莊子曰。黃帝游於襄城之野。七聖皆迷。遇牧馬童子而問道焉。亦此地也。

郟城縣州八西北至十里。本春秋時鄭地。後屬楚。又入於晉。七國時。又屬韓。至漢。以爲縣。屬潁川郡。晉屬襄城

郡。後魏屬南陽郡。高齊省。隋煬帝大業二年。移城父縣於今縣西北五里。屬汝州。四年。改城父縣爲郟城縣。

汝水西去縣七里。

扈澗水出縣北三十里。

城父故城在縣東南四十里。故殷時應國也。左傳。楚大城城父。使太子建居之。

龍興縣州上西北至九十里。本漢郟城縣地。後魏太和十八年。置汝南縣。屬高齊。天保七年。廢。開皇十八年。復置

汝南。隋末廢。則天證聖元年。置武興縣。神龍元年。改爲龍興縣。縣城本通鷄城。卽後漢賈復城也。復南擊鄆所築。後魏太和二十三年。孝文親征馬圈。行至此城。昏霧得三鷄引路。遂過南山。故號通鷄城。

大龍山在縣東南三十五里。劉累學擾龍。遷於魯縣。因以名山。

汝水在縣北四十五里。西南從梁縣界流入。

湛水在縣東三十里。春秋襄公十六年。楚公子格帥師戰於湛坂。是也。  
澧陽城一名應城。在縣南二十五里。後魏置澧陽縣。開皇十年。改爲湛水。武德四年。又置澧陽縣。



# 元和郡縣圖志卷六考證

## 河南道二

陝郡都督府

陝州下

官本郡下有大字。此脫。州。紘云。廣德元年。改爲大都督府。南本增。

二十。

元和戶條

官本無。

十六。

元和鄉

官本作六十六。疑誤。

一萬一千九百四十七。

都管戶條

按三州戶共二萬七千三十五。官本陝州下減二十。尙餘二萬七千一十五。戶數懸殊。無所稽核。各類然不具列。

豫州之域。

州錢

宜作冀。豫二州之域。垣、夏、安、邑、平、陸、芮、城各縣皆冀境。

獻文。

官本作孝文。誤。

一百里。入到  
下

絳州八到作二百里。近是。樂史云。此至絳二百二十里。

明帝二年。陝石  
縣敘

上脫周字。

禹治洪水。底柱  
山條

治原作理。見李太白集王琦注。南本改理。後仿此。

後魏景明中。黃河  
條

官本作魏景初二年。與水經注合。此誤。

寇慈。

水經注作茲。

桐桑澤。靈寶縣  
本條

澤。官本作宅。誤。

其中劣通。函谷條

王琦引下有行路二字。此脫。

大足元年。夏縣敘

官本作大定。形近誤。

在縣西北。安邑故城條

西官本作東。與王應麟、程恩澤所引同。此疑誤。

至州一百七十里。平陸縣下

樂史云。平陸縣在州北五十里。近是。

後魏。縣敘

官本作後漢。誤。

縣口七里。傅巖條

縣下官本注缺。趙殿成引作北。

武帝建德二年。置芮州。芮城縣敘

帝建字宜衍。會要云。武德二年。置芮州。劉昫同。隋志。芮城注。周曰蒲州。不詳芮州。宜非周置。

北至州。垣縣

北官本作西南。此誤。垣縣今垣曲。在陝州東稍北。

一百八十里。虢州

河中府十下有三字。

東南五里。宏農縣方伯堆條

下脫堆上有城四字。水經注。方伯堆。堆上有城。即方平所築。非謂堆也。脫四字。大失文義。

屬河南郡。盧氏縣

河南宜作宏農。隋志。大業三年。置宏農郡。領宏農、盧氏、長泉、朱陽四縣。

從門曼聲。闕鄉縣

按此志文義。曼原作受。趙一清校水經注引作從門受聲。孟康曰。闕古聞字。此志所據。不可改曼。致阻

文義。

側有長坂。黃巷坂

官本上有水字。此脫。

朱齡石。赫連

官本脫朱字。

大統三年。朱陽縣敘。

樂史三作二。

在縣西南。湖城縣湖縣條。

錢坫引無西字。

五十二。汝州開元戶下。

官本二作三。樂史同。

蠻中聚云云。梁縣敘。

官本別為一條。誤。南本从之。將隋煬帝以下移接上文。義長。

廣成贊。廣成澤條。

後漢書贊作頌。水經注同。

先天二年置貞元七年。臨汝縣敘。

先天二舊書作貞觀八貞元。官本作貞觀。並誤。

謂之小長安。葉縣敘。



按郡國志小長安在育陽不屬葉

開元三年

襄城縣敘三作四均恐未的按會要及唐志宜作二年

楚屈原方城山條

官本作屈完與左傳合此誤

大業三年襄城縣敘

官本三作二是

開元四年

四宜作二詳前

移城父縣改城父縣郟城縣敘

城父官本作父城是城父屬沛郡父城屬潁川郡並見地理志隋志作輔城南本依改

城父故城本條

宜作父城

大城城父

官本作父城。非。上云父城。指漢縣。此云城父。引左傳。改歸一名。殊少別擇。

置汝南縣屬。龍興縣敘

屬下宜有脫。官本無屬字。



# 元和郡縣圖志卷第七

## 河南道三

汴宋節度使 汴州 宋州 亳州 潁州

汴州陳留 開元戶八萬二千一百九十鄉一百六十一  
元和戶八千二百一十八鄉五十三

今爲汴宋節度使理所

管州四 汴州 宋州 亳州 潁州

縣二十八 都管戶三萬一千四百四十四

禹貢豫州之域。春秋鄭地。戰國魏都。史記魏惠王自安邑徙理大梁。卽今浚儀縣。秦爲三川郡地。漢陳留郡之浚儀縣也。酈生說漢高曰。陳留天下之衝。四通五達之郊。漢文帝以皇子武爲梁王。都大梁。以其地卑濕。東徙睢陽。今宋州是也。漢陳留郡卽今陳留縣。東魏孝靜帝於此置梁州。周宣帝改爲汴州。蓋以城臨汴水

故大業二年州廢。以開封浚儀屬鄭州。隋亂陷賊。武德四年。平王世充。復置汴州。  
州境東四一百九十六里  
南北二百三十五里  
八到西至上都一千二百八十里  
西至東都四百二十里

南至宋州三百里

北至滑州二百一十里

東北至曹州二百四十五里

東南至陳州三百一十里

貢賦開元貢 絹二十疋 賦 緜 絹

管縣六 開封 浚儀 陳留 雍邱 封邱 尉氏

開封縣望郭下 本漢舊縣屬河南郡魏為秦所敗走保開封此城也晉屬滎陽郡後魏天平元年於此置

開封郡高齊天保七年廢隋開皇六年復置開封縣屬汴州大業二年廢汴州以縣屬鄭州武德四年重

置汴州開封又屬焉貞觀元年廢延和元年於城內別置開封縣管東界

蓬澤在縣東北十四里今號蓬池左氏所謂蓬澤也

長垣故城一名倉垣城在縣北二十里漢陳留太守所理

梁王吹臺在縣東南六里俗號繁臺

沙海在縣北二里戰國策齊欲發卒取周九鼎顏率說曰大梁之君臣欲得九鼎謀於沙海之上為日久

矣即謂此也隋文疏鑿舊跡引汴水注之以習舟師以伐陳陳平之後立碑其側以紀功焉今無水

蓼隄在縣東北六里高六尺廣四丈梁孝王都大梁以其地卑濕東徙睢陽乃築此隄至宋州凡三百里

浚儀縣望郭下 本漢舊縣屬陳留郡故大梁也魏惠王自安邑徙此因浚水為名後魏於此置梁州周宣

理西界

帝改爲汴州。縣屬之。隋大業二年廢汴州。改屬鄭州。武德四年於此重置汴州。以縣屬焉。夷門史記大梁城有十二門。東門隱士侯嬴年七十家貧爲夷門監者。魏公子無忌厚遺之不肯受遺。枯遮梁溝。秦始皇二十二年王賁引水灌大梁城於此溝。

琵琶溝水西自中牟縣界流入通濟渠。隋煬帝欲幸江都。自大梁城西南鑿渠引汴水。卽葭宕渠也。

陳留縣。望西至州五十里本漢陳留郡陳留縣地。武帝置陳留郡屬兗州。按留本鄭邑。後爲陳所并。故曰陳留。又

按彭城亦有留。此留屬陳。故稱陳留。晉爲陳留國。開皇三年分浚儀縣置陳留縣屬汴州。武德四年屬杞州。今汴州雍邱縣是也。貞觀元年廢杞州屬汴州。

故莘城在縣東北三十五里。古莘國地也。國語湯伐桀。桀與章顧之君拒湯於莘之墟。遂戰於鳴條之野。東昏故城本漢縣。縣東北九十里。卽陽武之戶牖鄉。陳平之故里也。

雍邱縣。望西至州一百一十里本漢舊縣。亦古之雍國及杞國。周武王克殷。封禹後東樓公於杞。後魏孝昌四年分東郡陳留置陽夏郡。理雍邱城。開皇三年罷郡以縣屬汴州。武德四年於此置杞州。貞觀元年廢以縣屬汴州。

雍邱故城。今縣城是也。春秋時杞國城也。杞爲宋滅。城北臨汴河。晉永嘉末鎮西將軍祖逖爲豫州刺史。理於此。逃累破石勒軍。由是黃河已南皆爲晉土。人皆感悅。逃卒百姓立祠。

高陽故城在縣西南二十九里。顓頊高陽氏佐少昊有功，受封此邑。高祖攻昌邑，西過高陽，又酈食其，盡在此。

外黃故城縣東六十里。黃本屬宋，後屬陳留郡，以魏郡有內黃，故此爲外黃。

封邱縣州五十里。古之封國，左傳魯封父之繁弱是也。後屬衛，亦屬魏。漢高祖與項羽戰，敗於延鄉，有翟母者，免其難，故以延鄉爲封邱縣，以封翟母，屬陳留郡。後魏并入酸棗，宣武帝又置封邱縣，屬陳留郡。開皇三年罷郡，以縣屬汴州。

黃池在縣南七里。魯哀公十三年，晉侯與吳子爭盟於此。

尉氏縣州一百里。北至本漢舊縣。春秋時鄭大夫尉氏之邑。自漢歷後魏，屬陳留郡不改。高齊省，以地入開封。隋開皇六年復置尉氏縣，屬汴州。武德四年於此置洧州，貞觀元年廢，以縣屬汴州。

三亭岡在縣西三十七里。秦使謁者王稽使魏，夜與范雎言曰：待我於三亭之南，卽此岡之南也。

故鍾城在縣西三十五里。魏太尉鍾繇故里。

宋州唯陽。開元戶十萬三千，鄉一百九十三。元和戶五千二百，鄉八十三。

禹貢豫州之域，卽高辛氏之子闕伯所居商丘。今州理是也。周爲青州之域，武王封微子於宋。自微子至君偃三十三世爲齊，楚魏所滅，三分其地。魏得其梁，陳留齊得濟陰，東平楚得沛。按梁卽今州地，秦并天

下改爲碭郡。後改爲梁國。漢文帝封其子武爲梁王。自漢至晉爲梁國。屬豫州。宋改爲梁郡。隋於睢陽置宋州。大業三年。又改爲梁郡。隋亂。陷賊。武德四年。討平王世充。又爲宋州。天寶末。祿山亂。兩河郡縣多所陷沒。唯張巡、許遠、姚閻三人堅守睢陽。賊將尹子奇併力攻圍。踰年不克。城中孤危。糧竭。人相食殆盡。時賀蘭進明、許叔冀屯軍臨淮。爭權不協。不發援師。城竟爲賊所陷。巡、遠等抗詞不屈。遂俱被害。然使賊鋒挫衄。不至江淮。巡、遠之力也。

州境。東西三百五十九里。南北二百一十八里。

八到。西至上都九百二十里。西至東都九百二十里。東至泗州七百五十里。東南至徐州三百五十里。東北至亳州一百四十里。西南至曹州一百五十里。西北至曹州一百五十里。

貢賦。開元賦。絹三十疋。絲三十疋。

管縣十。宋城。碭山。虞城。楚邱。柘城。穀熟。下邑。單父。襄邑。甯陵。

宋城縣。下望郭。漢睢陽縣。屬宋城。後屬梁國。後魏屬梁郡。隋開皇三年。罷梁郡。以縣屬亳州。十六年。於此置

宋州。睢陽屬焉。十八年。改爲宋城。

睢水西南自甯陵縣界流入。



渙水西南自甯陵縣界流入。

隕石水源出縣北四十里。春秋時隕石於宋。其處爲潭。

小蒙故城縣北二十二里。卽莊周之故里。

州城。古闕伯之墟。契孫相土亦都於此。春秋爲宋國都。漢梁孝王廣睢陽城。七十里。開汴河。後汴水經州城南。

兔園。縣東南十里。漢梁孝王園。

清冷池。在縣東二里。

碭山縣。上。四至州。漢碭縣。屬梁國。後漢不改。晉以其地併入下邑。宋復置碭縣。屬梁郡。後魏屬碭郡。高齊文宣帝并廢。以安陽縣屬彭城郡。開皇十八年。改安陽縣爲碭山縣。大業二年。改屬宋州。碭。文石也。以其山出文石。故以名縣。

虞城縣。上。四至州。本虞國。舜後所封之邑。後漢及晉屬梁國。後魏延昌中。於此置蕭縣。理虞城。屬沛郡。

高齊省。開皇十六年。分下邑置虞城里。屬宋州。

孟諸澤。在縣西北十里。周迴五十里。俗號盟諸澤。

故綸城。縣東南三十五里。左氏少康逃奔有虞。虞妻以二姚。而邑諸綸。

平臺縣西四十里。左傳宋皇國父爲宋平公所築。漢梁孝王大治宮室。爲複道。自宮連屬於平臺三十餘里。與鄒枚相如之徒。並游其上。卽此也。

楚邱縣。州七南至古戎州已氏之地。至漢爲已氏縣。屬梁國。後漢屬濟陰郡。北齊廢。開皇五年。又置。屬曹

州。六年。改爲楚邱縣。武德五年。屬戴州。今宋州單父縣是也。貞觀十七年。廢戴州。隸宋州。

楚邱故城在縣北三十里。

柘城縣。上東北至州。本陳之株邑。詩陳風株林刺靈公是也。至秦爲柘城縣。續漢志屬陳郡。至晉太康

中廢。開皇十六年。復置。貞觀初。廢入穀熟。甯陵二縣。後縣人徭賦路遠。陳訴積年。至高宗朝。復置。屬宋州。

其羅城卽古株邑故城是也。

渙水在縣北二十九里。

穀熟縣。州上西北至本漢薄縣地。置於古穀城。春秋時爲穀邱。亦殷之所都。謂之南亳。漢於此置薄縣。屬

山陽郡。薄與亳義同字異。後漢改置穀熟縣。屬梁國。開皇十六年。屬宋州。隋末喪亂。縣人劉繼叔戮力固

守。免陷於賊。武德二年。置南穀州。以繼叔爲刺史。四年。罷。以縣屬宋州。

渙水在縣南二十八里。

高辛故城在縣西南四十五里。帝嚳初封於此。

下邑縣上西至州一百一十里漢舊縣按魯為楚所滅頃公遷於下邑漢高祖攻下邑拔之在漢屬梁國後漢無下邑縣魏復立焉晉宋屬梁郡開皇三年改屬亳州十六年改屬宋州

故譙城縣北三十一里祖逖屯淮陰進據太邱城遂克譙城而居之謂此也

單父縣緊西南至州一百四十九里古魯邑也漢以為縣屬山陽郡後漢以為侯國屬濟陰郡後魏置北濟陰郡理單父城開皇三年廢郡又置單父縣屬濟陰郡十六年於縣屬戴州單父屬焉大業二年廢戴州以縣屬曹

州武德五年重置戴州縣又屬焉貞觀十七年廢戴州縣隸宋州漢高祖后呂氏即單父人

襄邑縣緊東至州一百一十四里本漢舊縣即春秋時宋襄牛地也秦始皇徙承筐縣於襄陵改為襄邑縣漢以縣屬

梁後又屬陳留宋屬譙郡高齊文宣帝省入雍邱隋開皇十六年復置襄邑縣屬杞州大業三年割屬梁

郡武德二年復置杞州以縣屬焉貞觀元年州廢縣隸宋州

睢水西自雍邱縣界流入

承筐故城在縣西南二十五里

宋襄公墓在縣城中東隅故號襄陵

甯陵縣緊東至州五十九里本漢舊縣甯亦作甯七國時屬魏魏安釐王以弟無忌為信陵君邑於此漢初以魏

咎為甯陵君亦在此漢志甯陵屬陳留郡後漢屬梁國晉屬宋郡改屬譙郡高齊省開皇六年復置屬亳

州

州十六年割屬宋州。

睢水西北自襄邑縣界流入。

渙水西自襄邑界流入。

故葛城在縣北十五里。古葛伯國。以不祀爲湯所滅。

大棘故城在縣西南七十里。左傳。宋華元。鄭公子歸生戰於大棘。又七國反。先擊梁棘。卽此城也。

洧陵在縣南二十五里。春秋。鄭子罕伐宋。宋將鉏。樂懼敗諸洧陵。

故柘城在縣南七十里。陳之株邑。

故鄆城在縣南五十三里。漢之鄆縣。鄭伯克段於此。

已吾故城在縣西南四十里。後漢已吾縣故城。曹公初起兵於此。

始基故城在縣南九十里。晉蔡州刺史祖逖督護衛策所築。初乞活魁遣陳川據陳留。浚儀。遣將魏碩於

穀水南營。逖遣策等追戰。大破之。因卽立戍留守。策曰。從祖公北伐數年。功始基於此。因以爲名。

仇留故城在縣南六十五里。初陳川自始基敗後。遣將仇留伐鄆。以逼蔡州。祖逖遣衛策進戍谷北高邱。

以禦仇留。故呼爲仇留城。

亳州。隰郡

開元戶七萬七百三十二。

元和戶六千五百二。鄉一百三十八。

禹貢豫州之域。至周不改。春秋時為陳國之焦邑。六國時屬楚。在秦為碭郡地。漢為譙縣。屬沛郡。初後漢熹平五年。黃龍見譙。太史令單颺以為其國當有王者興。不及五十年。亦當復見。後如其言。魏文帝即位。黃初元年。以先人舊郡。又立為譙國。與長安許昌鄴洛陽號為五都。後魏復置南兗州。周武帝改為亳州。隋亂陷賊。武德四年。討平王世充。復為亳州。

州境。東三百六十七里。南二百七十里。

八到。西至上都一千七百二十里。東至東都八百六十里。

正南微東至潁州二百六十里。西北至宋州一百四十里。

東北至徐州三百九十里。西至陳州二百里。

貢賦。開元貢。絹二十疋。賦。縣。絹。黍。稷。麻。麥。

管縣八。譙縣。臨渙。鄴縣。城父。鹿邑。蒙城。永城。真源。

譙縣。郭下。漢舊縣。屬沛郡。晉屬譙郡。後魏無譙縣。有小黃縣。隋開皇三年。以小黃縣屬亳州。大業二年。改

小黃縣為譙縣。三年。以亳州為譙郡。縣仍屬焉。

渦水在縣西四十八里。魏黃初六年。文帝以舟師自譙循渦入淮。

魏文帝祠在縣東五里。初魏太祖以議郎告疾歸鄉里。築室於此。春夏讀書。秋冬弋獵以自娛。文帝以漢

中平四年生於此宅。

故梅城在縣南四十里。古梅伯國。

臨渙縣。緊西至州一百六十里。本漢鉅縣。屬沛郡。後漢屬沛國。魏屬譙郡。梁武帝普通中。克鉅城。置臨渙郡。以臨渙

水爲名。後魏改爲渙北縣。高齊省臨渙郡。改渙北縣爲臨渙縣。屬譙郡。開皇三年。廢郡留縣。改置譙州。神

堯常爲譙州刺史。大業二年。改屬亳州。武德四年。屬譙州。貞觀十七年。廢譙州。縣隸亳州。

嵇山在縣西三十里。晉嵇康家於鉅嵇山之下。因改姓嵇氏。

鄴縣。上西南至州七十里。秦漢舊縣。屬碭郡。漢屬沛郡。蕭何封鄴侯。卽此邑也。魏鄴縣。屬譙郡。後魏省。開皇十六

年。復置鄴縣。屬沛郡。武德四年。改屬亳州。

城父縣。上西北至州七十九里。春秋時。陳國之夷邑。亦名城父。漢爲城父縣。屬沛郡。後漢爲汝南郡。晉屬譙。宋志闕。

而有浚儀縣。開皇十八年。以重名。復改爲城父。屬亳州。

渦水西北自譙縣界流入。

澠水東南至下蔡入淮。

扶陽故城在縣東北三十六里。漢韋賢封邑。

章華臺縣南九里。

高陂縣南五十六里。周迴四十三里。多魚蚌菱芡之利。

鹿邑縣。上。東至州一百一十七里。本漢蘄縣地。春秋時鳴鹿邑屬陳國。左傳晉智武子以諸侯之師侵陳。至於鳴鹿。

是也。晉屬陳郡。後魏屬陳留郡。開皇三年改屬亳州。爲鹿邑縣。

渦水西北自陳州太康縣界流入。

鹿邑故城。縣西十三里。俗名牙鄉城。春秋時鳴鹿邑也。

武平故城。縣東北十八里。建安元年漢獻帝以曹公爲大將軍。封武平侯。以此城爲封邑。

蒙城縣。上。西北至州二百四十里。本漢山桑縣。屬沛郡。後漢改屬汝南郡。魏屬譙郡。後魏孝文帝於此置渦州。理山

桑城。其後地入於梁。梁於此置西徐州。後復入魏。改爲譙州。改譙縣爲渦陽縣。隋改渦陽爲淝水縣。武德

四年重立山桑縣。屬譙州。貞觀十七年廢譙州。割屬亳州。天寶二年改爲蒙城縣。縣城北臨渦水。後魏渦

州城也。東魏武定六年侯景叛行臺。慕容紹宗破景於此。

檀公城。本漢山桑縣城。宋將檀道濟爲征北將軍。居此。因名之。

永城縣。上。西南至州一百四十里。因隋舊縣。本秦芒縣地。漢不改。後爲臨睢縣之境。晉蘄縣地。隋大業六年於馬甫

城東北三里割彭城。睢陽置縣。遂名永城。屬譙郡。武德五年移於馬甫城。屬譙州。卽今理是也。貞觀十七

年罷譙州。以縣屬亳州。

碭山縣南五十里。漢高祖隱芒。碭山澤間。應劭注。芒今在臨睢。卽永城縣是也。碭屬梁國。今碭山縣是。二縣之界。有山澤之固。可以隱也。

故費城。縣南二十里。

真源縣。望東至州五十九里。本楚之苦縣。春秋時屬陳。後爲楚所併。漢屬睢陽國。後漢苦縣屬陳國。晉屬梁郡。成

帝更名谷陽。高齊省入武平縣。隋開皇六年。復置谷陽縣。理苦城。屬亳州。乾封元年。高宗幸瀨鄉。以元元皇帝生於此縣。遂改爲真源縣。

甯平故城。在縣西南五十五里。漢縣地。晉永嘉五年。東海王越自陽城率甲士四萬死於項。祕不發喪。石勒兵追之。及甯平城。焚越屍於此。數萬衆斂手受害。尸積如山。王夷甫亦遇害。

元元皇帝祠。縣東十四里。祠院中有九井。隋季井皆竭。自武德已來。清泉沁涌。或去汲一井。而八井水皆動。

李母祠。在縣東十四里。乾封元年。册號先天太后。今謂之洞霄宮。

潁州。汝陰。開元戶二萬八千一百七十九。鄉五十六。上。元和戶一萬一千五百二十九。鄉六十一。

禹貢豫州之域。春秋胡子國。楚滅之。秦并天下。爲潁川郡地。在漢則汝南郡之汝陰縣也。魏晉於此置汝陰郡。司馬宣王使鄧艾於此置屯田。後魏孝昌四年。改置潁州。高齊罷州置郡。隋末陷賊。武德四年。討平



主世充於汝陰縣西北十里置信州六年改為潁州移於今理

州境東四三百五十七里  
南一百九十六里

八到西取陳州路至上都一千八百二十里  
西至東都九百六十里

西北至汴州七百里  
南至蔡州三百六十里

南至淮約百里  
東至壽州三百六十里

西北至亳州二百六十里

貢賦開元貢 絁二十疋 絲二十七斤

管縣四 汝陰 沈邱 潁上 下蔡

汝陰縣上郭下本漢舊縣屬汝南郡魏文帝黃初三年屬汝陰郡後魏孝昌三年於此置潁州北齊廢以縣

屬汝陰郡開皇三年罷郡以縣屬潁州武德初置信州六年復為潁州縣皆屬焉

淮水西南流入經縣南去縣百里

潁水西北自陳州項城縣界流入伏於城下

汝水西南自蔡州新蔡縣界流入又東南入淮

寢邱故城在縣西北一百二十里楚相孫叔敖將死戒其子請寢邱之地即此

古任城在縣北一里。陳將任蠻奴伐齊於潁水北岸築城以圍池陰。

百尺堰在縣西北一百里。司馬宣王討王淩至百尺堰卽此。

沈邱縣。中東南至州一百二十六里。本漢寢邱。孫叔敖子之封。一名沈邱。漢爲寢縣屬汝南郡。後漢加邱字。東魏於此

置才州。高齊文宣廢州。改置褒信縣。隋不置縣邑。至神龍二年。十道使唐儉奏請分汝陰置邱縣。

小汝水在縣北。

潁上縣。中西北至州一百一十七里。本漢慎縣地。屬汝南郡。自漢迄宋不改。隋大業二年置潁上縣。屬潁州。三年以潁

州爲汝陰郡。縣仍屬焉。武德四年移於今理。

淮水西南自汝陰縣界流入。去縣七十里。又東北入下蔡縣界。

潁水西自汝陰縣界流入界內。又東流入淮。

下蔡縣。上西至州二百二十里。本漢舊縣。古蔡國。又吳州來之邑也。按蔡國本都上蔡。又徙新蔡。後又遷此。故謂之

下蔡。漢以爲縣。屬沛郡。後漢屬汝南郡。隋大業二年屬潁州。十二年移於今理。武德四年於此置渦州。下

蔡屬焉。八年州廢。縣屬潁州。

碛石山在縣西南六十里。淮水經碛石中。對岸山上築二城以防津要。今按淮水以中流分界。在西岸者

屬下蔡。在東岸者屬壽陽。

淮水西南自潁上縣界流入。

淝水經縣理南去縣一里入淮。

硤石城。魏諸葛誕反。王昶據硤石以逼誕。卽此城。又晉孝武太元八年。聞苻堅入寇。乃遣龍驤將軍胡彬將水軍五千援壽春。旣陷。退保硤石。亦此城也。今之縣城在舊城東北十餘里。

鄧艾廟在縣西一百二十步。艾爲魏將。作陂營屯田。後人賴其利。因爲立祠。

# 元和郡縣圖志卷七考證

## 河南道三

蓬澤。汴州開封縣本條。

地理志作逢。與左傳同。水經注亦作逢。

開皇三年。陳留縣敘。

隋志三作六。

貞觀元年云云。

官本以下缺。

本漢舊縣。雍邱縣敘。

按史記漢宣作秦。見始皇五年。

置杞州。

以上官本並缺。

開皇三年罷郡。以縣屬汴州。封邱縣敘。

隋志云封邱後齊廢開皇十六年復屬滑州與此別。

本漢舊縣尉氏縣。

漢宜作秦樂史云始皇二年置。

屬汴州。

隋志云屬許州。

糧竭人相食宋州。

官本脫人字。

西南至亳州八到下。

西宜作東亳州八到云西北是南本改。

孟諸澤虞城縣本條。

程恩澤引作望諸澤。

至秦為柘城縣柘城縣。

城字宜衍史記陳涉傳及地理志並無城字。隋志云舊曰柘久廢開皇十六年置曰柘城是隋縣始增城字。

五十五里。穀熟縣下。

官本作五十七。

承筐縣。襄邑縣敘。

筐宜作匡。按公羊傳、穀梁傳、地理志、郡國志引左傳並作匡。惟坊本左傳有竹。蓋宋人所增。下仿此。

本俱改。

二十五里。承筐故城條。

南本作三十里。

晉屬宋郡。甯陵縣敘。

晉志甯陵屬梁國。地道記、太康志並無宋郡。疑誤。

梁棘。大棘故城條。

南本作梁棘壁。

故柘城。至陳之株邑。本條。

前柘城縣云陳之株邑。此復云陳之株邑。未知孰確。

漢之鄆縣。故鄆城條。

地理志作僞郡國志作隰。此本水經注字通。

晉蔡州刺史。始基故城條

按晉書祖逖傳蔡宜作豫。

穀水。

官本作谷。與祖逖傳合。此志下條亦作谷。

以逼蔡州。仇留故城條

樂史作豫州。與晉書合。

谷北。

樂史作谷水北。

六十一。亳州元和鄉

官本作一百六十一。恐誤。

渦水。亳州譙縣本條

說文水經注並作渦。此本地理志。

晉嵇康。臨渙縣嵇山條

官本作稽誤。

蕭何封鄼侯。卽此邑也。鄼縣

按漢書蕭何封鄼侯。地屬南陽郡。班固曰。侯國是也。本音贊。御批通鑑輯覽注。今湖北襄陽府光化縣北有鄼縣故城。蕭何所封。又地理志。沛郡有鄼縣。讀嗟。說文作鄼。錢坫地理志補注云。班固泗水亭碑以此爲蕭何所封。又江統徂征賦云。戾鄼城而倚軒。實蕭公之封國。此志所本。段玉裁曰。始封於鄼。高后乃封之南陽之鄼。與筑陽。文帝至莽之鄼侯。皆在南陽。

本漢斬縣地。鹿邑縣

官本斬作鄆。是。按地理志。斬縣屬沛郡。錢坫云。今宿州南四十六里。此志宿州之斬縣是也。西至鹿邑近三百里。

晉屬陳郡。後魏屬陳留郡。

官本作晉屬陳留郡。無後魏六字。按晉志。斬屬譙郡。俗本誤作斬。實漢鄆縣。只增草耳。斬縣當在晉徐州境。

牙鄉。鹿邑故城

官本牙作牙。案云。牙互古通。王應麟謂卽論語之互鄉。



天寶二年。蒙城縣敘。

會要作天寶元年六月二十四日改樂史同。此恐脫誤。

縣城云云。

官本以下別爲專條。南本同。

晉斬縣地。永城縣敘。

樂史斬作單誤。

真源縣。

真官本作貞。初以音同憲皇帝諱。近不避。餘仿此。

睢陽國。縣敘。

官本睢作淮。樂史同。地理志本作淮。此誤。

瀨鄉。

按地理志、晉志、水經注、輿地廣記、九域志瀨並作賴。無水旁。史記作厲。字與賴通。水旁疑後人所增。

或去。元元皇帝條。

南本作或云。

南至蔡州。到。下。八。

南宜作西官。本作西南。亦非。

至壽州三百六十里。

三官本作二樂史同。此誤。

孝昌三年。汝陰縣敘。

三州敘作四年。與地形志合。此誤。

以圍池陰。古任城條。

樂史池作汝。是南本改汝。

司馬宣王。百尺堰條。

官本宣作景。誤事。詳魏志王陵傳。

置邱縣。沈邱縣敘。

官本邱上有沈字。此脫。南本補。

後漢屬汝南郡。下蔡縣敘。

按郡國志。汝南郡有上蔡。無下蔡。本屬九江郡。

渦州

劉昫作滑州樂史作淮州並誤

屬壽陽山硤石嶽

陽宜作春此志無壽陽卽壽春也晉人避鄭太后諱改爲壽陽非唐制

# 元和郡縣圖志卷第八

## 河南道四

鄭滑節度使 滑州 鄭州

陳許節度使 許州 陳州

滑州 靈昌 開元戶五萬三千六百二十七 鄉一百五

今為鄭滑節度使理所。

管州二 滑州 鄭州

縣十四 都管戶二萬二千

禹貢兗州之域。春秋時為衛國。左傳曰：狄滅衛，立戴公，以廬於曹。今州城東北五里白馬故城，即衛之曹邑。衛文公自曹邑以遷於楚邱。今衛南縣也。衛成公又遷於帝邱。今濮州濮陽縣是也。戰國時，其地屬魏。始皇五年，拔魏二十城，初置東郡。漢因之。後漢末，袁紹以曹公為東郡太守。東晉時，慕容德自鄴南徙滑臺，僭號南燕，都於胙城。至超徙都廣固，為宋所滅。宋武既平慕容之後，盡得河南之地。於此置兗州，仍置東郡。宋之北境守在此。其城在古滑臺，甚險固。後屬後魏。宋文帝使王元謨攻圍二十日不能取。開皇九年，又於今州理置杞州。十六年，改杞

州為滑州。取滑臺為名。大業三年，又改為東郡。武德元年，罷郡置滑州。二年，陷寇。四年，討平王世充，依舊置滑州。

州境，東四十二里，西三十六里，南一百四十九里，北一百四十九里。

八到：東南至上都一千四百四十里，東北至濮州二百一十五里，正西至汴州二百一十里，正南至微南至衛州一百五十里。

東南至曹州二百四十里，北至相州一百三十里，西南至鄭州三百里，正西至衛州一百五十里。

貢賦：開元貢，方紋綾，方紋絹。

元和貢，方紋綾二十疋。

管縣七：白馬、韋城、衛南、胙城、靈昌、酸棗、匡城。

白馬縣，望郭下。本衛之曹邑。漢以為縣，屬東郡。因白馬津為名。隋開皇三年，屬汴州。九年，屬杞州。十六年，改

杞州為滑州，縣又屬焉。

白馬山在縣東北三十四里。開山圖曰：有白馬羣行山上，悲鳴則河決，馳走則山崩。津與縣蓋取此山為名。

黃河去外城二十步

州城卽古滑臺城。城有三重。又有都城。周二十里。相傳云衛靈公所築小城。昔滑氏爲壘。後人增以爲城。甚高峻。堅險。臨河亦有臺。慕容時。宋公遣征虜將軍任仲德攻破之。卽魏武破袁紹。斬文醜於此岸者。鹿鳴故城在縣北三十里。宋書。宋將王元謨據滑臺。宣令走鹿鳴城。是也。

黎陽津一名白馬津。在縣北三十里。鹿鳴城之西南隅。酈食其說漢祖曰。守白馬之津。塞飛狐之口。以示諸侯。則天下知所歸矣。謂此津也。建安五年。曹公征先主。先主奔袁紹。曹公擒關羽。拜爲偏將軍。紹遣顏良攻劉延於白馬。曹公使羽擊之。羽刺殺良於萬衆之中。遂解白馬之圍。後慕容德爲魏軍所逼。率戶四萬餘徙於鹿鳴。達黎陽津。昏而冰合。是夜濟河。訖旦而魏師至。冰亦尋泮。德悅以爲神助。因改黎陽津爲天橋津。

河侯祠在縣南一里。漢王尊爲東郡太守。河水盛浸瓠子隄。尊臨決河不去。後人嘉尊壯節。因爲立祠。

韋城縣。上州。西北至六十里。本漢白馬縣地。殷伯豕韋之國也。左傳。范宣子曰。昔我之祖。在夏爲御龍氏。在商豕

韋氏。杜註。東郡白馬縣東南有韋城也。隋開皇六年。分白馬縣南境置韋城縣。屬汴州。九年。屬杞州。十六年。屬滑州。

京觀在縣北二百步。王莽篡漢。東郡太守翟義舉兵。莽遣將王邑等八將敗義於此。乃築焉。俗號觸骨臺。衛南縣。上州。西南至五十五里。本漢濮陽縣地。隋開皇十六年。於此置楚邱縣。屬滑州。後以曹州有楚邱縣。改今名。

鐵邱在縣東南十里。

故鉏城在縣東十五里。左氏后羿自鉏遷於窮石是也。

胙城縣。上北至本古之胙國。左傳凡蔣邢茅胙祭。周公之胤也。又爲古之燕國。左傳衛人燕師伐鄭是也。漢爲南燕縣。其後慕容德都之。復號東燕縣。開皇三年廢東郡。以縣屬汴州。十八年文帝因覽奏狀。見

東燕縣名曰。今天下一統。何東燕之有。遂改爲胙城。屬滑州。武德二年於此置胙州。領胙城。又置東燕縣。四年廢州。胙城屬滑州。

石邱在縣東北三十里。俗傳漢成帝時星隕之石也。

濮水。縣南二十里。西南自酸棗縣界流入。

靈昌縣。上東北至本漢南燕縣地。自漢至隋不改。開皇十六年分東燕酸棗二縣置靈昌縣。取靈昌津

爲名。屬滑州。

黃河在縣北十里。

赤眉故城。縣東二十四里。漢末赤眉賊帥樊崇築。

延津卽靈昌津也。在縣東北二十二里。初石勒伐劉曜。至河渚。不得渡。時流澌下流。因風結冰。濟訖汴。勒自以爲得天助。故號靈昌津。又左傳鄭太叔收貳以爲己邑。至於廩延。又曹公北救劉延。至延津。皆此津。

也。

酸棗縣。州百二十里東北至本秦舊縣。屬陳留郡。以地多酸棗。其仁入藥用。故名。後魏併入小黃。宣武帝復置。改

屬東郡。開皇三年。屬汴州。九年。屬杞州。十六年。改屬滑州。

黃河在縣北二十里。

酸棗故城在縣西南十五里。六國時。韓王所理處。舊趾猶存。

金隄在縣南二十三里。漢文帝時。河決酸棗。東潰金隄。卽此也。

匡城縣。州上西北至古衛之匡邑。論語。子畏於匡。至漢爲長垣縣地。自漢至後魏不改。開皇十六年。於此

置匡城縣。屬滑州。

故匡城在縣西南十里。

故蒲城在縣北一十五里。左傳。齊侯。衛侯。皆命于蒲。子路爲蒲宰。皆此也。

管婁故城。縣西北十六里。

故鶴城。縣西南十五里。衛懿公養鶴於此。

鄭州。榮陽開元戶六萬四千六百一十九。鄉一百二十四。  
雄。元和戶一萬三千九百四十四。鄉一十八。

萬貢豫州之域。春秋時爲鄭國。本高辛氏火正祝融之墟也。周宣王母弟友爲周司徒。食采於鄭。是爲鄭



桓公後幽王為犬戎所殺。桓公死之。其子武公與平王東遷。平定虢。檜之地。故左傳曰。我周之東遷。晉鄭焉依。是也。自武公後二十二君。至六國時。鄭為韓哀侯所滅。哀侯二年。韓自平陽徙都鄭。秦并天下。屬三川郡。漢高改三川為河南郡。滎陽屬焉。晉武帝分河南置滎陽郡。東魏孝靜帝分滎陽置成皋郡。高齊文宣帝又改為滎陽郡。周改為滎州。開皇三年。改滎州為鄭州。十六年。分置管州。大業二年。廢鄭州。改管州為鄭州。隋末陷賊。武德四年五月。擒建德。王世充。東都平。其月。置鄭州。理武牢。其年。又於今鄭州理置管州。貞觀元年。廢管州。七年。自武牢移鄭州於今理。

州境。東四一百七十六里。西北二百里。

八到。西至上都一千一百四十里。西至東都二百八十里。

東至汴州一百八十里。南至許州一百八十六里。

東北至滑州三百里。北至黃河八十里。

貢賦。開元貢麻黃。麻黃。絹。絹二十疋。麻黃二十斤。

元和貢。絹二十疋。麻黃二十斤。

管縣七 管城 滎陽 滎澤 原武 陽武 新鄭 中牟

管城縣。望。郭。下。本周封管叔之國。自漢至隋皆為中牟縣。開皇十六年。於此置管城縣。屬管州。大業二年。改

爲鄭州縣又屬焉。

梅山縣西南三十里。春秋時楚蔣子馮帥師侵費滑。右回梅山。卽此也。

圃田澤縣東三里。

故市城縣西北三十里。曹操擊袁紹軍於故市。卽此城。

武強城縣東三十一里。曹參擊項羽。還攻武強。卽此城。

祭城縣東北十五里。

郟城縣東六里。晉荀林父帥師與楚子戰於郟。卽此城也。

李氏陂縣東四里。後魏孝文帝以此陂賜僕射李冲。故俗呼爲僕射陂。周迴十八里。

滎陽縣緊東至州六十里。本漢舊縣。晉屬滎陽郡。高齊改郡名成皋。以縣屬焉。開皇三年罷郡。以縣屬鄭州。萬歲

通天元年改爲武泰縣。仍隸河南府。神龍初復爲滎陽。屬鄭州。

京水出縣南平地。

索水出縣南三十五里小徑山。

古大索城。今縣理是也。楚漢戰於京。索間。漢書注。京縣有大索亭。小索亭。晉末滎陽人張卓。董遇鳩集流

散。守固此城。因名大柵塢。今呼爲大刺。蓋音之訛耳。

小索城。縣北四里。宋南平王鑠遣王陽兒據小索破魏。卽此城也。

京縣故城。縣東南二十里。卽鄭京城大叔之邑。

滎澤縣。望東南至州五十里。本漢滎陽縣地。隋開皇四年。分滎陽置廣武縣。取山爲名。仁壽元年。改爲滎澤。屬鄭

州。

廣武山。在縣西二十里。一名三皇山。

敖山。縣西十五里。春秋時。晉師救鄭。在敖、鄆之間。二山名。宋武北征。記曰。敖山。秦時築倉於山上。漢高祖亦因敖倉。傍山築甬道。下汴水。卽此山也。

滎澤。縣北四里。禹貢。濟水溢爲滎。今濟水亦不復入也。

黃河北去縣十五里。

東廣武。西廣武。二城各在一山頭。相去二百餘步。在縣西二十里。漢高祖與項羽俱臨廣武。而軍。今東城有高壇。卽是項羽坐太公於上。以示漢軍處。

踐土臺。故王宮。縣西北四十五里。左傳。晉文公作王宮於踐土。卽此也。

敖倉城。縣西十五里。北臨汴水。南帶三皇山。秦所置。仲丁遷於囂。此也。詩曰。薄狩於敖。卽此地也。

金隄。縣西北二十二里。漢文時。河決酸棗。潰金隄。東郡大興卒塞之。孝武時。王尊爲東郡太守。又加修築。

至明帝永平十二年。詔樂浪人王景築隄。起自滎陽。東至千乘海口。千餘里。十里立一水門。更相迴注。無復潰漏之患。此隄首也。

原武縣。緊州六十里。東至本漢舊縣。屬河南郡。後魏屬滎陽郡。東魏改置廣武縣。又屬焉。高齊天保七年。郡縣並廢。隋重置原武縣。屬鄭州。武德四年。屬管州。貞觀元年。復屬鄭州。

黃河縣北二十里。

古陽池城。竹書紀年曰。惠王十五年。遣將龍賈築陽池以備秦。卽此也。開皇六年。於此置縣。今縣理。

陽武縣。緊州百十里。西南本漢舊縣。屬河南郡。晉屬滎陽郡。

黃河縣北三十里。

南棣城。北棣城。二故城在縣北十里。春秋。楚伐陳。諸侯會於北棣以救之。此也。

汴渠一名萑菴渠。今名通濟渠。西南自滎澤。管城二縣界流入。

博浪沙在縣南五里。張良爲韓報仇擊始皇處。

新鄭縣。緊州九十里。東北至本有熊氏之墟。又爲祝融之墟。於周爲鄭武公之國都。韓哀侯滅鄭。自平陽徙都之。

秦并天下。其地爲潁川郡。漢以爲新鄭縣。屬河南郡。晉省。開皇十六年。重置。屬鄭州。

陘山。縣西南三十里。史記。魏敗楚於陘山。山上有子產墓。墓累石爲方墳。墳東有廟。皆東向。卽杜元凱終

制所言者。

函陵縣北十三里。左傳晉侯秦伯圍鄭。晉軍函陵。秦軍汜南。此也。漆州府城卽東魏河南道行臺侯量營軍之壘。

漆水源出縣西北三十里平地。

鄆縣縣東北三十二里。

洧水縣西北二十里。灌潁渠首受洧水。西魏遣王思政固守長社城。東魏相高澄遣將清河王高岳攻之。築堰通洧水渠。灌破長社城。卽此渠也。

中牟縣州七十里。本漢舊縣。屬河南郡。晉屬滎陽郡。魏太武省。東魏孝靜帝分滎陽置廣武郡。隋氏避諱。

改爲內牟。屬管州。今縣理是也。開皇十八年。改爲圃田縣。大業十三年。陷李密。武德三年。李勣招撫東夏。於此置牟州。復改爲中牟。貞觀元年。屬汴州。龍朔二年。復隸鄭州。縣理卽古中牟故城。論語佛肸以中牟叛。後漢魯恭爲縣宰。有善政。人爲立祠。

圃田澤一名原圃。縣西北七里。其澤東西五十里。南北二十六里。西限長城。東極官渡。上承鄭州管城縣界。曹家陂。又溢而北流。爲二十四陂。大鵠。小鵠。小斬。大斬。小灰。大灰之類是也。

官渡臺俗號中牟臺。亦名曹公臺。在縣北十二里。曹操破袁紹於此。

許州潁川 開元戶五萬九千七百十七 鄉一百十七  
元和戶五千二百九十一 鄉五十七

今爲陳許節度使理所

管州二 縣十三 今都管戶九千三百二十九

禹貢豫州之域。周又爲許國。春秋定公六年。鄭滅許。七年。又封許。自是附庸於鄭。周末爲晉地。三卿分晉。其地屬韓。秦滅韓。虜韓王安。以其地置潁川郡。理陽翟。漢高帝五年。爲韓國。以韓信爲王。六年。復爲潁川郡。後漢獻帝初。遭董卓之亂。遷都長安。卓死。東歸於洛。魏太祖迎帝都許。及魏受禪。改許縣爲許昌縣。然魏雖都洛。而宮室府庫。猶在許昌。又析潁川。增置襄城郡。晉咸和二年。征西庾亮表。成帝曰。潁川。襄城。本是一郡。戶口今少。請還合潁川。從之。宋受禪後。魏明帝使達奚斤伐宋。長驅至武牢。潁川。許並入於後魏。後又陷於東魏。高澄就古潁陰城。改置南鄭州。卽今州城是也。隋仁壽元年。改南鄭州爲許州。隋末。陷王世充。武德四年。討平。復爲許州。

州境東四一百六十七里

八到西至上都一千二百六十里

北至鄭州一百八十六里  
東南至陳州二百六十里  
東北至汴州二百三十里  
正南徽東至蔡州三百里

貢賦關元貢 蔗心席 縣絹

元和貢 蔗心席六領 絹二十疋 乾柿

管縣七 長社 長葛 許昌 鄢陵 臨潁 舞陽 扶溝

長社縣望郭下本漢舊縣屬潁川郡春秋時鄭長葛地其社中樹暴長漢更名長社後漢屬郡不改隋文帝

廢郡以縣屬汴州大業三年改為潁川縣武德四年復為長社改屬許州

潁水西南自襄城縣界流入

潁水俗名勅水經縣西其流出密縣大駟山

長葛縣州緊南至六十里本漢長社縣地隋置長葛縣屬許州取舊名

洧水自北流入去縣十三里

長箱城東魏武定五年清河王高岳率衆圍西魏將王思政於潁川因築此城初以車箱為樓因名長箱

城開皇六年又於此立縣今縣理

長葛故城縣北十三里

長社故城縣西一里西魏大統十三年詔遣河南行臺大都督王思政進據潁川東魏遣將清河王岳率

衆十萬圍潁川思政不與戰岳造高堰引洧水以灌城十五年潁川城陷水自東北入城思政為岳所執

卽此城也。

東偏城。縣東北五里。左傳齊人鄭人伐許。許莊公奔衛。鄭伯使百里奉許叔居許東偏。卽此城也。

許昌縣。上西南至州五十五里。本許國。爲楚所滅。至漢爲縣。屬潁川郡。後漢因之。魏太祖迎獻帝都許。文帝受禪。改

爲許昌。宋志無許昌縣。天平元年復置。今縣理是也。高齊文宣帝省鄆陵入許昌。隋文帝於鄆陵縣置洧

州。以縣屬焉。大業二年廢洧州。以縣屬許州。初魏武旣破黃巾。經略四方。而苦軍食不足。羽林監潁川棗

祇建置屯田。於是以任峻爲典農中郎將。募人屯田許下。卽今許昌縣。得穀百萬斛。郡國列置田官。數年之間。

所在倉儲盈積。

洧水西北自長葛縣流入。去縣三十里。

許昌宮在許昌故城中。楊修作許昌宮賦。卽此宮也。

魯城。縣南四十里。左氏鄭伯請以太山之祊易許田。而祀周公。卽此城。

景福殿基址。今在許昌故城內西南隅。

鄆陵縣。上西南至州七十五里。本漢舊縣。屬潁川郡。春秋鄭伯克段於鄆。晉楚戰於鄆陵。並此地。後魏潁川置許昌

郡。仍立鄆陵縣以屬焉。高齊文宣帝廢鄆陵。以其地入許昌縣。隋開皇三年復置。屬許州。十六年又於縣

理置洧州。縣仍屬焉。大業二年廢洧州。以鄆陵屬許州。



洧水西北流入經縣西十里。

鄴陵故城縣西北十五里。

太邱城縣西南二十里陳實嘗爲此縣長。

故陶城縣南五十里相傳晉陶侃征杜弼所築。

臨潁縣上 西北至州六十里本漢舊縣屬潁川郡歷代因之大業四年自故城移於今理開皇三年罷郡以縣屬

許州建中二年屬潁州貞元二年州廢依前屬許州。

臨潁皋東西長五十里卽龍脾崗也嵩高山東南三百里有龍脾其地沃壤可居卽此崗也今臨潁縣理

在崗上。

潁水西北自長社縣界流入。

繁昌故城縣西北三十里魏文帝行至繁陽亭築壇受禪因置繁昌縣卽此城也。

舞陽縣上 東北至州一百六十里本漢舊縣屬潁川郡在舞水之陽因名漢封樊噲魏封司馬宣王並爲舞陽侯皆

此邑自漢至晉不改宋省開元四年重於故城內置。

扶溝縣望 西至州一百十里本漢舊縣屬淮陽國後漢屬陳留郡魏屬許昌郡高齊文宣帝自今縣北移於今理。

武德四年置北陳州縣隸焉其年州廢以縣屬洧州九年洧州廢又屬許州。

洧水縣西二十二里。

陳州淮陽。開元戶五萬二千六百九十二。鄉一百四。元和戶四千三十八。鄉三十七。

禹貢豫州之域。本太昊之墟。周武王封媯滿於陳。春秋時楚滅之。秦滅楚。屬潁川郡。漢高帝分潁川置淮陽國。後漢章帝改為陳國。獻帝末。陳王寵為袁紹所殺。國除為陳郡。曹魏復為陳國。以東阿王植為陳王。植子志徙封濟北。又為陳郡。晉宋因之。東魏孝靜帝以淮南內附。置北揚州。理項城。乃於項城僑立北丹陽郡。及稜陵縣。高齊文宣帝以百姓守信不附。侯景改北揚州為信州。周武帝改信州為陳州。開皇二年。改為沈州。大業二年。廢沈州。入陳州。三年。改為淮陽郡。武德元年。復為陳州。

州境。東西一百六十九里。南北二百八十里。

八到。北至上都一千五百二十里。西至東都六百六十里。東至亳州三百里。東南至潁州三百里。

北至許州二百六十里。西北至汴州三百一十里。西至蔡州二百二十里。

東至宋州二百二十里。東北至宋州二百二十里。

貢賦。開元貢粟。元貢絹。元貢麥。元貢絹。十五疋。

元和貢。絹十五疋。

管縣六 宛邱 太康 項城 南頓 澗水 西華

宛邱縣緊郭下本漢陳縣春秋時楚滅陳縣之秦漢仍爲陳縣漢屬淮陽國後漢屬陳郡晉屬梁國宋屬陳

郡高齊文宣帝省陳郡仍移項縣理於此隋文帝罷陳郡改項縣爲宛邱縣

陳州州城枕蔡水周迴三十里

宛邱縣南三里爾雅陳有宛邱又邱上有邱爲宛邱注四方高中央下曰宛

固陵縣西北四十三里項羽敗南走固陵此也

洧水西自許州鄆陵縣界流入

蔡水自西北流入經縣理東一里

州理城楚襄王所築卽古陳國城也包羲氏神農氏並都於此及楚頃襄王爲秦所伐失鄆郢徙都於陳

卒爲秦所滅

弩臺在縣理古陳城南八十步後漢陳敬王曾孫寵善弩射十發皆同處常於此臺教弩黃巾賊起寵有

強弩千張故惟陳國保全開元九年移孔子廟於臺上

東門池在州城東門內道南詩陳風東門之池可以漚麻卽此也

八卦臺及擅縣北一里古者伏羲始畫八卦於此

太康縣州七十里南至本漢陽夏縣地。屬淮陽國。後漢屬陳國。後魏孝昌四年置陽夏郡。以縣屬焉。隋文帝改陽夏爲大業縣。

蔡水西北自汴州尉氏界流入。

渦水首受蔡水東流經縣北。

縣理城卽漢陽夏縣城。夏后太康所築。漢五年高祖追擊項羽至陽夏南。羽敗走固陵。是也。

項城縣州上西北至漢項縣。古項子國。春秋齊師滅項。至楚襄王徙都陳。以項爲別都。按此城卽楚築。在

漢屬汝南郡。晉屬陳國。隋文帝改項縣加城子。屬陳州。東晉孝武時。秦將苻融攻陷壽春。苻堅捨大軍於

項城。輕騎八千兼道赴之。時有謠曰。堅不過項。堅出令曰。敢言吾在壽春者拔其舌。衆諫不從。堅遂敗。

武邱縣東南四十里。本名邱頭。魏王凌密謀廢立。司馬宣王將中軍討凌。大軍掩至百尺堰。凌自知勢窮。

軍到邱頭。面縛水次。因改邱頭爲武邱。以旌其功。卽此也。

小汝水西南流入。去縣五十里。

公路故城。縣東四里。漢末袁術所築。

故誘城。縣北三十里。魏母邱作亂。西至項。鄧艾督軍至樂嘉。以誘之。後人因謂之誘城。

百尺堰。縣東北三十五里。司馬宣王討王凌。軍至百尺堰。卽此也。

南頓縣上北至州七十五里本漢舊縣屬汝南郡古頓子國後迫於陳南徙故號南頓其城楚令尹子玉所築後

漢世祖父欽嘗爲此縣令故號南頓君光武生於此縣中宋爲南頓郡東魏於此置和城縣北齊廢郡省縣人和

城隋復爲南頓縣屬陳州武德六年省入項城證聖元年以縣有光武鄉名苻武氏遂於此置光武縣中

宗復爲南頓

潁水縣西北三十里

小汝水縣西南四十里

高陽邱縣南四十里應瑒南頓人兄弟俱有名自比高陽才子故號高陽邱

潏水縣上北至州八十四里本漢汝陽縣屬汝南郡晉屬汝南國宋又屬汝陽郡隋開皇三年屬陳州十六國改

汝陽爲潏水縣建中二年屬潏州興元二年潏州廢改屬陳州

潏水經縣北去縣三里

漑灌城縣東北二十五里本魏將鄧艾所築艾爲典農使行陳潁之間東至壽春艾以爲田良水少不足

盡地利遂開築陂塘大興漑灌軍儲豐足因名此城

乾谿臺在縣北三里左傳楚靈王有乾谿之臺卽此也

西華縣上東至州八十里本漢舊縣屬汝南郡後漢因之晉無西華縣宋復置焉屬陳郡高齊省後魏太和中復

置武城縣。神龍元年。又爲基城。景雲復爲西華。

潁水。縣南二十里。

洧水。縣南二十里。

集糧城。在縣西十里。魏使鄧艾營田。築之貯糧。故名。



# 元和郡縣圖志卷八考證

## 河南道四

攻圍二十日。滑州條

二十上疑脫百字。通鑑云滑臺之圍自七月至於十月蓋紀實也。

一百五十里。八到下

官本作一百一十五里與衛州合此誤。

二百四十里。

曹州無四十字。

元和貢云云。貢賦下

官本無。

三十四里。白馬縣白馬山條

王應麟引作四十四里。

慕容時宋公遣征虜將軍伍仲德。州城條



官本伍作王按晉書王仲德破滑臺在義熙十二年其時地已入魏此謂慕容時與史別

豕韋氏 開皇六年章城縣條

南本豕上有爲字下杜注云云並大書六隋志作十六

燭骨臺京觀條

樂史作骨體臺

鐵邱云云衛南縣敘

官本別爲一條南本从之

漢爲南燕縣昨城縣敘

南字宜衍郡國志燕縣無南字水經注左傳隱五年疏引地理志亦無南字王念孫曰國有南北燕縣

無南北燕通典及元和志皆作南燕是李杜所見本已訛

本秦舊縣屬陳留郡酸棗縣敘

縣下宜有漢字史記始皇五年攻魏定酸棗燕虛長平雍邱山陽皆拔之初置東郡陳留漢武帝置

韓王所理處酸棗城條

程恩澤引作韓世家哀侯卽位滅鄭遂都酸棗舊宮餘趾猶存視此較詳然鄭州新鄭縣敘亦云哀侯

徙都義未盡合。

武牢鄭州

官本武作虎非下同。

元和貢云云。

官本無。

晉屬滎陽郡滎陽縣

官本脫晉字。

高齊改郡名成臯。

按州敘云東魏分置成臯高齊文宣帝又改爲滎陽與此別。

董遇古大索城條

水經注遇作邁。

二山名滎澤縣

官本上有敖鄗二字南本从之。

四十五里踐土

官本作十五里。

左傳云云。

官本以下脫。

敖倉城縣西十五里。北臨汴水云云。本條

官本敖倉八字脫。北臨汴水云云。接前踐土臺條。文義不屬。傳鈔錯謬。

東至州。原武縣下

官本作南至州。此誤。

竹書紀年云云。古陽池城條

今竹書紀年無此文。

開皇六年。

樂史作十六年。

諸侯會於北棣。陽武縣南棣城條

樂史北作城。與左傳合。

博浪沙。本條

地理志浪作狠。此本史記。

墳東有廟皆東向。新鄭縣  
臨山條

東下宜有北字。按晉書杜預傳。邪東北向新鄭城。意不忘本也。水經注潁水條亦作東北。

溱州府城。函陵  
條

府疑作故。官作溱州以下別為專條。南本从之。

鄆城。本  
條

樂史作鄆。是此形近之訛。說文鄆。妘姓。所封溱、洧之間。鄆。姁姓。國在東海。杜預云。鄆在滎陽。密縣東北。恐未確。

論語云云。中牟  
縣敘

此本地理志河南中牟縣注。趙獻侯自耿徙此之失。故引論語。王應麟云。獻侯治中牟。索隱曰。在河北。非鄭之中牟。程恩澤引曹之升曰。河北之險莫如鄆。次即中牟。以有漳水之固。又與鄆相近。亦一都會也。今蕩陰縣西五十里有中牟城。詳戰國地名考。

小斬。大斬。圃田  
澤條

樂史斬作漸。與水經注合。此脫水旁。

管州二云云。許州下。

南本下有許州 陳州 縣十三別為一行都管戶云云作大書上無今字於例為長。

開元貢云云。賈賦下。

官本有乾柿此脫。

蔗心席。

蔗宜作蔗六典許州貢蔗心席玉篇蔗蒟屬可為席樂史作蔗亦誤。

元和貢云云。

官本無。

涓水云云。許昌縣本條。

官本此條後有故許昌城縣南四十里即許國故城條此脫致下條在許昌故城中之語亦無依據宜

補入。

本漢舊縣。鄆陵縣絃。

地理志鄆作偽郡國志作隲。

陳寶城條。太邱。

官本實作寔與本碑合。

杜駁故陶城條

駁宜作弢晉書有傳。

開皇三年罷郡以縣屬許州臨潁縣敘

官本接上歷代因之下此疑倒

卽龍脾岡也臨潁縣條

樂史下有嵩山記此脫殊礙文義

三十七陳州元和鄉

官本七作一

稜陵縣州敘

按地形志稜宜作秣縣敘同

北至東都八到下

按方輿北上宜有西字

元和貢云云

官本無。

後漢屬陳郡。宛邱縣敘

按郡國志郡宜作國。

本漢陽云云。至公路故城云云。太康縣敘項城縣本條

官本並缺。

改陽夏為大業縣。太康縣敘

按隋志大業宜作太康。

本漢汝陽縣。潁水縣敘

地理志汝作女師古曰讀汝郡國志始增水旁。酈道元曰汝女乃方俗之音故字隨讀改。

又為基城。四寧縣敘

唐志作箕是開元後唐人避基字。

縣南二十里。洧水條

南官本作西。

# 元和郡縣圖志卷第九

## 河南道五

徐泗節度使 徐州 宿州 泗州 濠州

蔡州節度使 蔡州 申州 光州

徐州彭城 開元戶四萬九千七百二 元和戶三千八百五十八 鄉九十二 鄉八十九

今爲徐泗節度使理所

管州四 徐州 宿州 泗州 濠州

縣一十六 都管戶三萬七千二百五十二

本禹貢徐州之域。春秋時爲宋。滕。薛。小邾。偃陽之地。六國時屬楚。秦并天下爲泗水郡。楚漢之際。楚懷王自盱眙徙都之。後項羽遷懷王於郴。自立爲西楚霸王。又都於此。漢改泗水郡爲沛郡。又分沛郡立楚國。按楚國卽今州理是也。宣帝地節元年。更爲彭城郡。尋復爲楚國。自漢以來。或理彭城。或理下邳。晉氏南遷。又於淮南僑立徐州。安帝始分淮北爲北徐州。宋永初二年。加淮南徐州曰南徐州。而改北徐州曰徐州。明帝時。淮北入魏。梁初。甄收。太清之後。尋復入魏。徐州復理彭城。仍立彭城郡。高齊及後周不改。隋開



皇二年於此置總管。罷郡。其所領縣並屬徐州。十四年廢總管府為彭城郡。隋亂陷賊。武德四年討平王世充。改置徐州總管府。七年改為都督。貞觀十七年罷都督。初宋高祖經略中原。以彭城險要。置府於此。至文帝時。王元謨又上表曰。彭城南界大淮。左右清汴。城隍峻整。襟衛周固。自淮已西。襄陽已北。經途三千。達於齊岱。六州之人。三十萬戶。常得安全。實由此鎮。後魏大將軍尉元上表曰。彭城。宋之要藩。南師來侵。莫不用之以凌諸夏。輿地志云。郡城由來非攻所能拔。按自隋氏鑿汴以來。彭城南控埧橋。以扼汴路。故其鎮尤重。

州境。東二百八十九里。西北二百八十九里。

八到。西至上都二千八十里。西至東都一千二百二十里。

東南至泗州五百九十里。東北至沂州三百五十里。

東南至埧橋路至宣州五百里。東南至濠州三百里。

西南至濠州三百九十里。西北至兗州三百四十里。

貢賦。開元賦。五色土各一斗。上細絹。

管縣五。彭城。蕭縣。豐縣。沛縣。滕縣。

彭城縣。望郭。下古大彭氏國也。漢為彭城縣。屬楚國。後漢屬彭城郡。宋屬彭城郡。隋文帝罷郡為縣。屬徐州。

定國山在縣東四里。魏武定五年。慕容紹宗欲擊梁。貞陽侯蕭明營於此山。

泗水在縣東。去縣十步。

州理城。貞觀五年築。其外城卽古大彭氏國。漢高祖定天下。以爲楚國。封弟交爲楚王。東晉封劉裕爲宋公。至宋武帝。以皇子義康爲彭城王。並都於此。後宋平北將軍徐州刺史薛安都。乃舉城歸魏。

呂梁故城在縣東五十七里。春秋時。宋之呂邑。至漢以爲呂縣。城臨泗水。高一百四十尺。周迴十七里。此城東二里有三城。一在水南。一在水中。一在水北。並高齊所築。立鎮以防陳寇。

曹公故城在縣東南六十五里。在呂梁東岸。或言曹公築此以守呂布。西岸有城臨水。是布之所固也。號曰呂布固。

故垞城在縣北二十六里。或曰古崇侯國。兗州人謂實中城曰垞。

戲馬臺在縣東南二里。項羽所造。戲馬於此。宋公九日登戲馬臺。卽此也。

寒山堰在縣東南十八里。梁蕭明伐魏。堰清水以灌彭城。

呂梁在縣東南五十七里。蓋泗水至呂縣。積石爲梁。故號呂梁。陳將吳明徹以舟師破下邳。進屯呂梁。堰泗水以灌徐州。周將軍烏丸軌。達奚長孺率兵救援。軌取車輪數百。連鎖貫之。橫斷水路。然後募壯士夜決堰。至明。陳人始覺。潰亂爭歸。至連鎖之處。生擒明徹。

蕭縣上州六十里東北至本古之蕭國春秋時宋邑漢蕭縣屬沛郡北齊改爲承高縣屬彭城郡開皇三年罷郡屬徐州改爲龍城縣尋復爲蕭縣

丁公山在縣東南二十里丁公追漢高處

綏輿山在縣東二十五里宋高祖綏輿里人蓋因里以名山也

督井在縣北二百步左傳楚子伐蕭還無社與司馬言目於督井而拯之卽此也

豐縣上州東南至州一百七十五里本漢舊縣屬沛郡戰國時屬梁後漢屬沛國晉同宋改屬北濟陰郡北齊改郡爲永

昌以縣屬焉隋改屬徐州

豐西澤在縣西十五里漢高斬白蛇於此

沛縣上州東南至州一百四十三里本秦舊縣泗水郡理於此蓋取沛澤爲縣名漢興四年改名沛郡領三十七縣理相

城以此爲小沛魏分立譙郡又以沛爲王國晉不改宋爲沛縣改屬徐州隋文帝罷郡縣屬仍舊

微山上有微子冢去縣六十五里

泗水西北流入東去縣五十步

泡水卽豐水也西去縣百五十步

縣理城卽秦沛縣城也初陳涉起沛令欲以沛應之乃令樊噲召高祖沛令後悔閉城拒守高祖書帛射

城上曰諸侯並起。今屠沛。父老乃殺沛令迎高祖。立爲沛公。十二年高祖破黥布還。過沛。謂沛父老曰。遊子悲故鄉。吾雖都關中。萬歲後。吾魂魄猶思樂沛。且朕自沛公以誅暴亂。其以沛爲朕湯沐邑。

故留城在縣東南五十五里。高祖令張良自擇齊三萬戶。良曰。始臣起於下邳。與陛下會留。乃封良爲留侯。

故沛宮在縣東南一里。高祖過沛。置酒歌大食。卽此宮也。

泗水亭在縣東一百步。高祖微時爲亭長於此。

滕縣。上南至本古滕國。漢蕃縣也。屬魯國。宋屬彭城郡。漢末太傅陳蕃子逸爲魯相。改音皮。後魏置蕃

郡。以縣屬焉。北齊郡縣並廢。隋於此置滕縣。屬徐州。按古滕國在縣西南十四里。滕城是也。

奚公山在縣東南六十六里。奚仲初造車於此處。

公邱故城在縣西南十五里。夏侯嬰初爲滕令。故號滕公。按此時高祖未立屬縣。故滕爲秦縣。至武帝改

爲公邱縣。屬沛國。

故薛城在縣東南四十三里。薛侯國也。孟嘗君時薛中六萬家。其中富厚。天下無比。此田文以抗禦楚。魏也。

合鄉故城在縣東二十三里。卽論語所謂互鄉是也。

宿州上 苻離 開元戶八千六百七十六 鄉三十六

本徐州苻離縣也元和四年以其地南臨汴河有埭橋為舳艫之會連漕所歷防虞是資又以蘄縣北屬徐州疆界闊遠有詔割苻離蘄縣及泗州之虹縣置宿州取古宿國為名也

州境

八到西北至上都一千九百里

東南至泗州四百二十里  
東南至淮百里與濠州分中流為界從界至濠州一百里  
北至徐州一百五十里  
西至宋州三百三十里

貢賦

管縣三 苻離 蘄縣 虹縣

苻離縣上 北至州本秦舊縣漢屬沛郡高齊時屬睢南郡開皇三年罷郡以縣屬徐州爾雅曰莞苻離也 以地多此草故名

睢水自縣西北流入

故相城在縣西北九十里蓋相土舊都也

靈璧故城在縣東北九十里漢二年漢王入彭城項羽以精兵三萬人晨擊漢軍於靈璧東睢水上大破

之。睢水爲之不流。

蕲縣。上北至州二百三十二里。本秦舊縣。漢屬沛郡。後漢屬沛國。有大澤鄉。陳涉起兵於此。爲狐鳴。宋於此置譙郡。

齊以爲北譙郡。後魏改蕲縣爲蕲城縣。隋開皇三年去城字。屬仁州。即今宿州縣是也。大業二年屬徐州。八年屬

譙州。後復隸徐州。

淮水西南流入。經縣南七十里。

渙水西自臨渙縣界流入。

渦水東去縣一百里。

蕲水北去縣三十里。

虹縣。上西至州二百里。本漢舊縣。屬沛郡。虹音貢。漢書作瓠。字梁武帝於此置貢城戍。後魏復置虹縣。周大象中。

省。以其地屬晉陵縣。開皇十八年改晉陵爲夏邱縣。武德四年於今縣南百里故虹城重疊置虹縣。屬仁

州。貞觀八年屬泗州。十三年移於今縣理。臨汴河。

赤坎故城在縣西南五十九里。梁天監八年置赤坎戍。

潼陂一名萬安湖。周迴二十里。在縣北五里。

垓下聚在縣西南五十四里。漢高祖圍項羽於垓下。大破之。卽此地也。按漢汝縣屬沛郡。垓下卽汝縣之

聚落名也。圖經云：項羽墓在縣南六里。按羽死後，高祖以魯公禮葬羽於穀城，在今鄆州東阿縣界。言在此，俗說之謬也。

廣濟渠：按開元二十七年，河南採訪使齊澣以江淮運漕經淮水波濤，有沈溺之憂，遂開廣濟渠下流，自

虹縣至楚州淮陰縣北十八里，合於淮。踰時畢功，後以水流峻急，行旅艱阻，旋又停廢，卻由舊河。

泗州：臨淮。開元戶三萬三千五百五十，鄉六十。元和戶四千一十五，鄉五十。

禹貢徐州之域，春秋時屬魯，又為徐子之國。後為楚所滅，秦為泗水郡地。漢興，改泗水為沛郡。武帝分置

臨淮郡。後漢下邳太守理此。自晉迄後魏，並為宿豫縣。後魏於此置東徐州。周宣帝大象二年，改為泗州。

大業三年，改為下邳。武德四年，復為泗州。開元二十三年，自宿遷移於今理。

州境：東三百八十五里，南三百七十九里。

八到：西北至上都二千三百二十里，西至東都一千四百七十里，東南陸行至揚州二百七十三里，東水陸至楚州二百二十里，東南陸行至濠州二百一十里，西南至濠州二百一十里，西北至埭橋四百二十里。

貢賦：開元賦：麻、細、貨布。

管縣五：臨淮、宿遷、徐城、漣水、下邳。

管縣五：臨淮、宿遷、徐城、漣水、下邳。

臨淮縣郭下。本漢徐縣地。長安四年分徐城南界兩鄉於沙塾村置臨淮縣。南臨淮水。西枕汴河。開元二

十三年自宿遷移於今理。

宿遷縣上南至州。二百一十里。春秋時宋人遷宿之地。至漢爲朐縣。屬臨淮郡。晉立宿預縣。開皇三年屬泗州。寶

應元年以犯代宗廟諱改爲宿遷縣。

淮水入縣境。南與楚州山陽縣分中流爲界。

舊州城。梁將張惠紹北伐。軍所次。憑固斯城。塹其羅城。引水環之。今城在泗水之中。

下相故城在縣西北七十里。秦故縣也。項羽卽下相人也。應劭曰。相水出沛國。故曰下相。

魯肅廟在縣東南一里。肅。臨淮人。後人爲之立祠。

徐城縣中東至。州五十里。本徐子國也。周穆王末。徐君偃好行仁義。視物如傷。東夷歸之者四十餘國。周穆王聞

徐君威德日遠。乘八駿馬。使造父御之。登楚師。襲其不備。大破之。設偃王。其子遂北徙彭城原東山之下。

百姓歸之。號曰徐山。按山今在下邳之縣界。楚漢之際。項羽置東陽郡。漢誅英布。置徐縣。屬臨淮郡。後漢

以臨淮郡合於東海。明帝又分東海爲下邳國。理於此。晉太康三年。復置徐縣。屬臨淮郡。梁於此置高平

郡及高平縣。開皇十八年。改爲徐城縣。屬泗州。理大徐城。大業四年。移於今理。

淮水西南自虹縣界流入。



永泰湖縣南二里周迴三百六十三里其中多魚尤出朱衣鮒

大徐城在縣北三十里

徐君墓在縣北三十二里季札掛劍處

漣水縣上西北至州本漢朐猶之地後漢爲徐縣之地晉爲宿遷縣之地宋明帝於此置東海郡又於

城北置襄賁縣屬焉後魏改爲海安郡開皇三年廢郡以縣屬海州五年改襄賁爲漣水縣因縣界有漣

水爲名武德四年置漣州縣屬焉貞觀元年廢漣州縣屬泗州

海水在縣東北一百四里

淮水西南自宿遷縣界流入

沭水俗名漣水西南自海州沭陽縣界流入

碩濩湖在縣北一百十六里與海州朐山縣中分爲界

下邳縣上東南至州本夏時邳國後屬薛左傳薛之祖奚仲遷於邳是也春秋併於宋戰國時屬楚後

屬齊至秦曰下邳縣漢屬東海郡魏志曹公征呂布於下邳生擒布令東中郎將鎮下邳宋改爲下邳縣

屬東徐州周改東徐爲邳州隋省邳州以縣屬泗州

嶧陽山在縣西六里

泗水西自彭城縣界流入。

淮水自縣西流入去縣六十里。

沂水經縣北分爲二水。一水於城北西南入泗水。一水經城東屈曲從縣南亦注泗。謂之小沂水。水上有橋。昔張子房遇黃石公於圯上。卽此處也。南人謂橋爲圯。

故郟城在縣東北百五十里。古郟子國。孔子問烏官於郟子。卽此地也。

縣理城。古邳國城也。魏武征呂布於下邳。決泗水引沂水以灌其城。卽此處也。按下邳城有三重。大城周圍十二里半。中城周四里。呂布所守也。魏武擒布於北門。卽大城之門也。小城累甃堅峻。周二里許。西南又有一小城。周三百七十步。征虜將軍石崇所築也。

石鰲屯。晉穆帝升平初。荀羨爲北部都尉。鎮下邳。起田於東陽之石鰲。卽臨津郡界公私利之。北齊廢帝乾明

中。尙書左丞蘇珍之又議修石鰲等屯。歲收數十萬石。自是淮南軍防糧儲充足。

濠州。鍾離上。開元戶二萬五百五十二。鄉四十一。元和戶二萬七百二。鄉四十二。

禹貢揚州之域。春秋時爲鍾離子之國。後爲吳楚所爭之地。左傳。楚子爲舟師以略吳疆。滅鍾離。又史記。楚平王時。鍾離人與吳邊邑卑梁小童爭桑。二邑交相攻滅。秦并天下。屬九江郡。漢置鍾離縣。復隸九江郡。晉立爲鍾離郡。宋因之。宋明帝失淮北地。復立徐州於此。後廢帝改號北徐州。梁因之。以昌義之爲北

徐州刺史鍾離。魏中山王元英將軍楊大眼率衆數十萬來寇鍾離。城北阻淮水。魏人於州東邵陽州作浮橋。晝夜攻城。分番相代。義之善射。每彎弓所向。莫不應弦而倒。一日戰數十合。魏軍死者與城中平。會高祖遣曹景宗。韋叡率衆二十萬來救。魏軍大敗。英與大眼脫身而走。因輕騎追至洛口而還。州後入高齊。文宣帝改爲西楚州。隋開皇三年改爲濠州。因水爲名。大業三年改爲鍾離郡。南北朝皆爲重鎮。隋亂陷賊。武德五年杜伏威附。改爲濠州。按濠州本屬淮南。與壽陽阻淮帶山。爲淮南之險。貞觀元年竇參爲相。於是越淮割地隸屬徐州。及徐州節度使張建封死。子愔爲本軍所立。常挫王師。其時朝廷幾失淮南之地。蓋參不學無術。昧於疆理之制。所由致也。自貞元以後。州西渦口對岸置兩城。刺史常帶兩城使。以守其要。濠字中間誤去水。元和三年又加水焉。

州境。東二百六十里。南一百八十一里。

八到。北取虹縣路至上都二千三百七十五里。西北至東都一千五百一十里。

東北至楚州盱眙縣二百二十里。從縣至楚州一百九十里。

東南至壽州二百二十里。

西南至滁州二百三十里。

南至廬州三百三十里。

東北至泗州四百二十里。

賞賦。開元賦。官絕。絹。布。

管縣三 鍾離 定遠 招義

鍾離縣上。本漢舊縣。屬九江郡。至晉屬淮南郡。安帝時。因東郡燕縣流人鍾離者。於此置燕縣。至高齊。

復爲鍾離縣。

塗山在縣西九十五里。

淮水西南自壽州界流入。

西濠水出縣西南莫耶山。北入淮。

東濠水出縣南濠塘山。東北入淮。

當塗縣故城。本塗山氏國。在縣西南一百十七里。禹娶塗山。卽此也。

荆山堰在郡城西百二十二里。梁天監十三年。魏降人王足陳計於武帝。求堰淮水以灌壽陽。引北方童謠曰。荆山爲上格。浮山爲下格。潼泡爲激溝。并灌鉅野澤。帝遂發徐陽人。率二十戶取五丁以築之。令太子右衛率康絢。左衛將軍昌義之護作。令戰士二十萬人於鍾離南。起浮山堰。北抵巉石。至十四年四月。堰將合。淮水漂度。輒復決潰。或言江淮多蛟龍。其性惡鉄。於是引東西二冶故鐵器。大則釜鬲。小則鑿鉏。數千萬斤。沈於堰所。猶不合。緣淮百里內木石皆盡。負者肩上皆穿。士卒死者十七八。五年四月。堰乃成。壽陽城戍移頓於八公山。淮水清。人之墳墓皆歷歷見於水底。或謂絢曰。四瀆者。天地所以節宣其氣。不

宜久塞。旣而昏霧三日。霧解而堰決。殺萬人。其聲若雷。聞於三百里。水中怪物。隨流而下。或人頭魚身。龍形馬首。殊類詭怪。不可勝言。

莊周臺在縣南七里。濠州水經其前。莊子與惠子觀魚之所。又云觀魚臺。

定遠縣。上。北至州一百里。本漢東城縣地。屬九江郡。梁武帝天監初置。屬定遠郡。高齊改爲大安郡。仁壽元年廢。

郡。改定遠縣爲臨濠縣。屬濠州。國朝復爲定遠縣。

洛水經縣西四十里。

陰陵縣故城在縣西北六十五里。本漢縣也。項羽敗於垓下。將麾下八百騎潰圍南走。灌嬰追羽至陰陵。羽迷失道。問田父。田父給曰。左左乃陷大澤。以故漢兵及之。

東城縣故城在縣東南五十里。項羽自陰陵至此。尙有二十八騎。南走至烏江亭。灌嬰等追羽。楊喜斬羽於東城。卽此地也。

招義縣。上。四至州一百四十里。本漢淮陵縣。屬臨淮郡。後漢屬下邳郡。宋孝武自淮北徙睢陵縣改爲池南縣。陳爲

招義縣。大業元年爲化明縣。屬濠州。武德七年更名招義縣。

淮水西自鍾離縣界流入。

浮山堰在縣西北六十里。梁天監十三年與荆山堰同時所築。

蔡州蔡州 關元戶五萬一千二百一十 鄉一百七  
汝南 元和戶一萬二百六十三

今為蔡州節度使理所

管州三 蔡州 申州 光州

縣二十

古豫州之域。春秋時為蔡、江、黃、道、柏、胡、蓼、沈、頓、項、息、房、呂十三國之地。七國時屬魏。秦并天下為三川、河、東南陽、潁川、碭、泗水、薛七郡之地。漢立汝南郡。領二十七縣。理平輿。宋元嘉中。後魏太武帝率兵圍汝南。郡守陳憲守拒四十餘日。魏人積屍與城齊。不拔而退。宋文帝又於懸瓠城置司州。其後太武收河南地。獻文改司州為豫州。周大象二年。改為舒州。隋文帝改為豫州。移入懸瓠城。今理是也。仁壽四年。改為溱州。大業二年。改蔡州。三年。罷州。為汝南郡。武德四年。復置豫州。寶應元年。以避代宗廟諱。復改為蔡州。

州境東四百七十里  
南四百一十三里

八到西北至上都一千四百三十里  
西至東都六百二十里

南至申州二百五十里  
西至唐州二百十里

東北至陳州二百二十里  
北至潁州三百六十里

東北至光州三百二十里

貢賦 開元貢 龜甲 雙潤 鶴綾 長安四年改為四窠雲綾

管縣十二 汝南 汝陽 平輿 吳房 西平 朗山 新息 眞陽 上蔡 新蔡 襄信

鄆城

汝南縣 望 郭下 本漢舊縣也屬汝南郡晉屬汝南國宋屬汝陽郡隋開皇二年罷郡縣屬豫州仁壽四年改

豫州爲溱州以縣屬焉大業二年又移於今理屬蔡州

汝水經縣西南二里

州理城古懸瓠城也汝水屈曲形若垂瓠故城取名焉

平輿故城漢縣也古沈子國在縣東北六十里

鴻郟陂在縣東十里成帝時陂盜爲害翟方進爲丞相以爲決去陂水其地肥美省隄防之費遂奏罷之

王莽時嘗枯旱郡人追怨方進童謠曰壞陂誰翟子威反我豆食羹芋魁反乎覆陂當復誰云者兩黃鵠

及建武中太守鄧晨使許陽爲都水掾令復鴻郟陂陽曰昔成帝夢上天天帝怒曰何故壞我濯龍池於

是乃因高下形勢起塘四百餘里數年乃立今廢

平輿縣 中 西至州 六十二里 本漢平輿縣地屬汝南郡高齊廢大業二年重置十三年陷王世充置輿州管平輿

一縣武德中屬蔡州貞觀元年廢天授二年重置

汝水在縣南四十二里。

葛陂周迴三十里。在縣東北四十里。費長房投杖成龍處。

吳房縣。上。東南至州九十里。本漢舊縣。屬汝南郡。後魏置襄城郡。仍立遂甯縣以屬焉。隋改爲濯陽縣。大業二年。

改爲吳房縣。

西平縣。上。東南至州一百五十里。本漢舊縣。屬汝南郡。後魏置。卽春秋時柏國也。古韓地之分。蘇秦說韓王曰。韓有

劍戟出於棠谿。今此縣西界有棠谿村是也。縣又有龍泉水。可以淬刀劍。自漢至後魏皆爲西平縣地。隋末廢。天授三年復置。

朗山縣。上。東北至州九十一里。本漢安昌縣地。屬汝南郡。東漢省。後魏太武真君二年。於朗陵故城復置。隋開皇三

年。移於今理。屬豫州。十六年。改爲朗山縣。

朗陵山一名大朗山。在縣西北三十里。

淮水經縣理南。去縣百二十里。

道城。古道國也。在縣東北二十里。

朗陵故城。漢縣也。在縣西南三十五里。晉何曾所封之邑也。

四望故城在縣東南七十里。後魏太和十一年。豫州刺史王肅於四望陂南築之以禦梁。梁太清二年。豫



州刺史羊鴛仁以二魏交逼糧運懸斷乃棄懸瓠歸於義陽上表曰臣輒率所領縮還舊鎮仍命夏紹等停四望城防備卽此城也

新息縣州上西北至本息侯國爲楚所滅漢以爲新息縣屬汝南郡周武帝於此置息州領此縣隋大業

二年州廢改屬豫州武德四年於此重置息州貞觀元年廢以縣屬豫州

淮水自西流入經縣南去縣五里

汝水自西流入經縣北去縣八十里

王梁渠在縣西北五十里隋仁壽中修築開元中縣令薛務更加疏導兩岸通官陂二十六所利田三千餘頃

珉玉坑在古息城東南五步周迴一百八十步深三尺其玉顏色潔白堪爲器物隋朝官採用貞觀中亦令採取其後爲淮水所沒開元中淮水東移珉坑重出其玉溫潤倍勝昔時蔡州至今以爲厥貢之首

賈君祠在縣北一里名彪字偉節後漢時爲新息長時小民多不養子彪嚴其制所活數千僉曰賈父後爲立祠

新息故城在縣西南十里

真陽縣中北至本漢慎陽縣地屬汝南郡晉屬汝南國後魏改爲真陽縣高齊改爲保城縣開皇十六

年改置眞邱縣。大業二年復爲眞陽縣。因慎水爲名也。

淮水經縣南。去縣八十里。

慎水出縣西南二十里。

上蔡縣。上南至州七十里。本漢舊縣也。古蔡國。晉上蔡縣。屬汝南國。後魏神龜三年於此置臨蔡縣。高齊廢。隋文

帝開皇十二年移於今理爲上蔡縣。

蔡崗在縣東十里。周迴五十里。

汝水西去縣十五里。

新蔡縣。上西北至州一百五十里。本漢舊縣。古呂國也。漢屬汝南郡。晉屬汝陰郡。宋屬新蔡郡。東魏孝靜帝於此置。

蔡州。開皇十六年於此置舒州。領廣甯縣。仁壽二年改縣爲汝北。大業二年改爲新蔡縣。屬蔡州。

汝水經縣南。去縣二里。

襄信縣。中西北至州一百八十里。本漢鄆縣之地。後漢分立襄信縣。屬汝南郡。晉屬汝陰郡。宋改爲襄信縣。大業二

年改襄信縣。屬蔡州。

淮水經縣南。去縣七十五里。

汝水經縣東北。去縣五十五里。

白亭在縣東南四十二里。左傳楚白公勝所封之地。

鄆城縣東南至州一百八十里。本漢縣。七國時魏之下邑。史記楚昭陽伐魏取鄆。兩漢以爲縣。屬潁川郡。光武謂

賈復曰。鄆最大。宛次之。復曰。臣請擊鄆。帝執復手曰。執金吾擊鄆。吾復何憂。謂此城也。宋元嘉二年將軍

劉緬說曰。鄆城有百年之福。若北朝保之。未可敵也。遂遣將軍殷祖焚其倉儲。高齊於今縣置臨潁郡。開

皇三年廢。五年又於廢郡城中置鄆城縣。屬許州。武德四年於此置道州。貞觀元年廢。以縣屬豫州。

汝水經縣西北去縣七十八里。

大澗水上承汝水。自襄城至岐額城分流。南爲汝水。北爲澗水。

小澗水。縣西北六十里。至縣合爲大澗水。

邵陵故城在縣東四十五里。春秋齊桓公帥諸侯之師盟於召陵。卽此處也。漢置邵陵縣。屬汝南郡。隋廢

入鄆城。

征羌故城在縣東南七十五里。本秦安陵縣。建武十二年來歙征西羌有功。故改名以封之。

申州中義陽。本屬汝南道。貞元已後隸蔡州節度使。

開元戶二萬一千二十。元和戶六千四百一十四。鄉四十二。

禹貢荊州之域。又古申國也。鄭武公娶於申。曰武姜。在周爲侯伯。後爲楚所滅。秦并天下。屬南陽郡。魏文

帝分置義陽縣。自後省置不常。宋元嘉末於此立司州。自後入魏爲郢州。入梁爲司州。周武帝平齊改爲申州。大業二年改爲義州。武德四年復置申州。

州境東二百里。北一百七十八里。

八到西北至上都一千七百一十里。西北至東都九百四十二里。

東北至光州二百六十里。南至安州二百六十里。

西北至唐州二百六十里。西南至隨州二百三十里。

北至蔡州二百八十里。

貢賦開元貢葛十疋。賦布紵。絳。絹。

管縣三 義陽 鍾山 羅山

義陽縣上郭下。本漢平氏縣。義陽鄉之地也。魏文帝分平氏立義陽縣。江左省義陽縣地入平春縣。晉孝武

帝改平春曰平陽。隋開皇三年改平陽爲義陽縣。屬申州。大業二年改屬義州。皇朝復屬申州。

淮水西自唐州桐柏縣界流入。東北經縣。去縣三十七里。

故曹城在縣東三十八里。梁將曹景宗將兵侵魏所築。

故平靖關城在縣南七十六里。舊有此關。不知何代創立。按義陽有三關之塞。此其一也。武陽、黃峴二關。

在安州應山縣界。長老云：此關因山爲障，不營濠隍，故名平靖關。

鍾山縣。上。西至州四十里。本漢鄆縣也。屬江夏郡。宋永初中，屬義陽郡。高齊於此置齊安郡，後改爲萬歲郡。開皇

三年，罷郡爲齊安縣，仍屬申州。四年，以近鍾山，改齊安爲鍾山縣。

淮水經縣北四十里。

澀水出縣南霸山，去縣七十五里。山石之間，波流塞澀，因以爲名。

石城在縣西南二十一里。石城山上，本晉義陽縣所理。

羅山縣。上。西南至州一百一十里。本漢鄆縣地。梁武帝置西汝南郡於此。開皇三年，併入鍾山。十六年，於鍾山析置

羅山縣，屬申州。武德四年，置南羅州，領羅山一縣。八年，州廢，以縣屬申州。

羅山在縣西南九里。

淮水經縣北，去縣二十里。

光州。中。元陽。本屬淮南道。貞元已後，隸蔡州節度使。

開元戶二萬九千六百九十五。鄉六十一。元和戶一千九百九十。鄉六十二。

禹貢揚州之域。春秋時弦國之地。魯僖公五年，楚人滅弦。弦子奔黃。在秦屬九江郡。在漢爲西陽，屬江夏。晉安帝立光城縣理於此。梁末，於縣置光州。大業二年，罷州爲弋陽郡。武德三年，改爲光州總管府。貞觀

元年爲光州都督府。太極元年。自光山縣移於今理。

州境。東四百四十三里。南二百三十五里。

八到。西北至上都一千七百三十里。西北至東都九百二十里。

東北至壽州四百三十里。西南至大別山三百里。

西南至申州二百六十里。西北至蔡州三百里。

貢賦。關元貢葛十疋。生石斛六十斤。賦絕絹。

管縣五。定城。殷城。固始。光山。仙居。

定城縣。上郭下。本漢弋陽縣。屬汝南郡。自漢至蕭齊。常爲弋陽城。武德三年。置弦州。領定城一縣。貞觀元年。

省。定城屬光州。

淮水北去縣六十七里。

黃國故城在縣西十二里。春秋時黃國。後爲楚所滅。

殷城縣。中。北至州一百二十里。本漢期思縣地。屬汝南郡。宋僑立苞信縣於此。梁以苞信縣屬義州。開皇四年。改苞

信縣爲殷城縣。屬弋陽郡。武德三年。重置義州。以縣屬光州。

澮水在縣西五里。

定城關在縣南四十里。高齊以南迫陳境。因置此關。隋廢。  
溫湯在縣南山中。其湯綠色。

固始縣。上。西南至州一百五十五里。本鄭封蓼侯之地。春秋蓼國。楚并之。今縣城是也。自東晉已後。蓼縣省。宋明帝失

淮北地。乃於此僑立新蔡郡。領固始縣。開皇七年。改屬義州。大業三年。廢義州。屬弋陽郡。

淮水經縣北八十里。

茹陂在縣東南四十八里。建安中。劉馥爲揚州刺史。興築以水溉田。

孫叔敖祠在縣西北隅七十五里。

光山縣。上。北至州三十里。本漢西陽縣地。屬江夏郡。魏屬弋陽郡。宋孝武帝大明初。於此立光城縣。隋開皇三年。

廢。入樂安縣。十八年。置光山縣。

光山一名弋山。在縣西北八十里。

淮水經縣北七十里。

木陵故關在縣南一百三十二里。齊陳二境。齊置此關以爲禁防。周因不改。隋開皇九年。平陳後廢。

仙居縣。中。東至州一百里。本漢軹縣。春秋時弦國。楚滅之。漢以爲縣。屬江夏郡。至宋。分立樂安縣。天寶元年。改爲

仙居縣。縣西有仙居山。因以爲名。

谷水在縣北九里。

軟縣故城在縣北四十里。春秋時弦國之都也。

仙堂六陂在縣西南十一里。梁武大同元年。百姓堰谷水爲六陂。以溉稻田。





# 元和郡縣圖志卷九考證

## 河南道五

西南至濠州三百九十里。徐州八到

濠州云西北。此宜作東南。三百九十。濠州云四百五十。未知孰的。

蕭明。彭城縣定國山條

卽蕭淵明。梁書避淵作深。此省下仿此。

梁蕭明伐魏。堰清水以灌彭城。寒山堰條

魏書淵明率衆寇徐州。堰泗水於寒山。灌彭城。樂氏作清水。與此同。陳書吳明徹傳云。迮清水以灌彭

城。蓋泗水一名清河。

達奚長孺。呂梁條

官本孺。作儒。誤。

與司馬言。蕭縣晉井條

南本馬下有卯字。

高祖未立屬縣。滕縣公邱故城條

樂史屬作郡。

屬沛國。

國宜作郡。

論語所謂互鄉。合鄉條

王應麟謂論語互鄉在鹿邑。恐未的。此本劉芳徐州記。

苻離。宿州注

疑後人增。按唐志。乾元後置州無郡名。宿州立於元和之初。當無郡名也。

開元戶。宿州下

後人妄增。本敍云。元和四年立州。焉有開元戶。官本按云。開元戶鄉。傳寫缺疏矣。

北至州一百五十里。苻離縣注

宿州治苻離。宜注郭下。此沿舊屬徐州方里。未改正耳。

靈壁故城。本條

漢書高帝紀壁作壁。項羽傳作辟。無玉字。

斬縣

官本作斬。以下並同。各地地理書俱作斬。惟字典引漢書作斬。與官本合。此恐偽體。正字通云。一作斬。蓋俗說也。

北至州二百三十二里。斬縣注。

此宜有誤。疑舊屬徐州方里。樂史云。州南三十六里。近實。

浚縣屬沛郡。虹縣。下。梁。條。

官本注浚音絞。南本增。

自晉迄後魏並為宿豫縣。泗州敘。

豫宜作預。見宿遷縣。晉志未詳。沈約云。宿預。晉安帝立。李兆洛云。南齊縣。非原始也。

開元二十三年。

會要作二十五。樂史作二十一。並誤。事詳舊書本紀。

二百一十里。八到。下。

濠州作三百二十里。樂史與此同。九域志云。西至本州界一百二十里。自界首至濠州五十五里。近合。

麻。開元。實。

官本作麻布。

晉立宿預縣。宿遷縣敘

官本晉下有安帝是預作豫誤。

梁於此置高平郡。徐城縣敘

地形志高平郡縣置於武定七年梁宜作後魏。

晉為宿遷縣之地。澠水縣敘

晉無宿遷宜作宿預詳前泗州敘。

謂之小沂水水上有橋。下邳縣志沂水條

王琦引沂水下作號為長池池上有橋顧祖禹云沂水一名長利池此脫。

問烏官。故鄆城條

官本無鳥是南本削。

魏武擒布於北門。縣理城條

官本北作白南本从之魏志云布與其麾下登白門樓兵圍急乃下降遂生縛布宋武北征記曰其南

門曰白門此疑聲近之誤。

卽臨津郡界。石髓屯條注。

津宜作淮。官本作在縣臨津郡界。尤非。

改爲濠州。濠州敘。

隋志作豪。誤。

武德五年。

唐志作二年。

貞觀元年。竇參爲相。

按唐書宰相表及世系。竇參相德宗。宜作貞元四年。

濠字元和三年又加水焉。

隋志唐書並誤作豪。會要云。元和三年改濠。以失印故。說恐未的。六典原作濠。韓昌黎集徐泗濠三州節度掌書記廳石記。時在貞元十五年。原有水旁。注者依唐志徑改作豪。謬矣。

三百二十。八到下。

泗州云二百一十。南本作二百二十。

四百五十。

徐州作三百九十

燕縣流入鍾離者鍾離縣敘

王象之輿地紀勝引作燕縣流人在鍾離者衆與此少別

潼泡 徐陽人荆山堰條

按梁書泡宜作沱水經注淮水條有池水池沱古通用泡乃形近之誤陽通釋引作揚

五年四月

官本作十五年此脫南本增

高齊改爲大安郡仁壽元年廢郡定遠縣敘

大宜作廣隋志云梁改曰定遠置臨濠郡齊曰廣安開皇初年郡廢此志疑有舛落仁壽初避太子諱

始改用大齊郡宜仍舊名

陳爲招義縣大業元年爲化明縣招義縣敘

隋志云陳曰睢陵周曰昭義樂史云開皇二年以光德太子名昭改爲化明按隋書煬三子傳元德太

子以大業元年立樂史作開皇非並誤元作光

繁 汝南 縣二十秦州下

汝南、南本列緊字前。於例爲合。申州、光州注仿此。官本二十作十二。誤。

領二十七縣。理平輿。州

按地理志二。宜作三。前漢治上蔡。後漢治平輿。見水經注。閻若璩云。此志誤以東漢爲西漢。

二百五十里。八到

申州云二百八十里。

二百十里。

唐州云二百四十里。

北至潁州。

潁州云南至。並誤。宜作東至。

東北至光州三百二十里。

北宜作南。光州作西北。無二十。南本此無北字及二十。

雙鴻鵠綾。開元

官本鵠作鷺。此蓋鵠字脫。

管縣十二。汝南。汝陽。本



此本汝陽下注闕字。官本作管縣十一。無汝南。首列汝陽。非也。按志文。南陽宜互易。汝陽本州治。貞元間。析汝陽。朗山。上蔡。吳房。置汝南。會要。貞元七年正月。於郭下置汝南。元和十三年正月。省。原本宜有。方合節度管縣之目。

汝南縣

官本作汝陽縣。是。按下敍云。本漢舊縣。地理志有女陽。無汝南。此明徵也。南本改。

晉屬汝南國

國。宜作郡。見晉志及地道記。真陽。上蔡。二縣並誤。

成帝時。反我豆食。鴻鄆陂條

官本成上有漢字。南本增。樂史反作飯。御覽作飮。此脫。

平輿縣

南本前有汝南縣一行。注闕字。

隋改爲濯陽縣。吳房縣敍

按地理志。汝南郡有濯陽。應劭曰。濯水出吳房東入瀕也。隋因漢舊名。濯字恐誤。

天授三年。西平縣敍

會要及新舊志並作二年

太和十一年豫州刺史王肅築之以禦梁朝山縣四

十上脫二按魏書及北史王肅以太和十七年歸魏乃齊武帝永明十一年築四望當在二十一年梁

宜作齊樂史並誤肅以景明二年薨於壽春其時南朝尚未禪梁

王梁渠新息縣本條

顧祖禹洪亮吉並作玉梁

兩岸通官陂

樂史作西岸通管陂

宋改爲襄信縣襄信縣敘

襄宋志本作苞隋志脫草襄字殊迂文義傳鈔失檢

劉緬鄆城縣敘殷祖鄆城縣敘

按宋書宜作劉勗殷孝祖

大澗水本條

澗水經注作澗下條並同

漢置邵陵縣。邵陵條

地理志邵無邑旁。

分置義陽縣。申州

縣宜作郡。宋志有義陽太守。魏文帝立。與此合。

二百三十里。八到下

隨州作二百四十里。

二百八十里。

蔡州作二百五十里。

舊有此關。不知何代創立。義陽縣故平靖關條

初學記引齊志云。後魏置。

大業二年。光州

按隋書罷州爲郡。事在大業三年。固始縣敘作三。是。

貞觀元年。爲光州都督府。

劉昫云。武德七年。改總管府爲都督府。貞觀元年。罷。與此別。

武德三年重置義州以縣屬光州殷城縣敘

義州下宜脫貞觀元年省劉昫云武德三年以殷城爲義州貞觀元年省以縣來屬此傳鈔漏也

改屬義州固始縣敘

義宜作光下同